

الذب الأحمد عن سنة نبينا أَحْمَدَ صَلَّى اللَّهُ عَلَيْهِ وَسَلَّمَ | فضفضة

(45) | الشيخ أبو إسحاق الحويني

أبو إسحاق الحويني

ان الحمد لله تعالى نحمده ونستعين به ونستغفره وننعواز بالله تعالى من شرور انفسنا وسبيئات اعمالنا من يهدى الله تعالى فلا مضل له
ومن يضل فلا هادي له وشهاده ان لا الله الا الله وحده لا شريك له - 00:00:02

واشهد ان محمدا عبده ورسوله اما بعد فان اصدق الحديث كتاب الله تعالى واحسن الهدى هدي محمد صلى الله عليه واله وسلم وشر
الامور محدثاتها وكل محدثة بدعة وكل بدعة ضلاله - 00:00:22

وكل ضلاله في النار اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد
وبارك على محمد وعلى آل محمد كما باركت على ابراهيم وعلى آل ابراهيم - 00:00:45

في العالمين انك حميد مجيد فاني اجدني مضطرا الى التوقف عن مواصلة الكلام عن خاطرة ابن الجوزي رحمه الله تعالى والتي
ابتدأت الكلمة عنها قبل حلقتين لمناقش موضوعا اثاره كاتب في صحيفة وليدة مغمورة - 00:01:06

آآ فيما يتعلق بسن عائشة رضي الله عنها يوم تزوجها النبي صلى الله عليه واله وسلم فان المعروف من لدن القرن الاول الى هذا
الزمان ان النبي عليه الصلاة والسلام - 00:01:36

عقد على عائشة رضي الله عنها وهي بنت ست سنوات وبني بها وهي ابنة تسع سنوات وعاشت معه تسعا ومات عنها صلى الله عليه
وسلم وهي ابنة ثمان عشرة سنة - 00:01:59

هذا هو الذي جاءت به الاسانيد الصحيحة التي اتفق اهل العلم على صحتها ولم يقل عالم قط في هذه الامة بغير هذا الكلام آآ الذي
اثار هذا الكلام في النصف الاول من القرن الماضي - 00:02:19

مستشرق امريكي بدأ يشكك في هذه الحقيقة وبدأ بعض من لا اختصاص لهم من الغيورين على الاسلام يرد على هذا الكاتب ببعض ما
قال ووافقوه في بعض ما قال ولكن يعني كشأن الذب - 00:02:45

الذي قتل صاحبه لما رأى ذبابة على وجهه وهو نائم فاراد ان يقتل الذبابة ورمى بصخرة عظيمة على رأس صاحبه فطارت الذبابة
وقتل الصحب آآ الاشكال الذي نعاني نحن منه الان - 00:03:12

ان ديننا ومصادرنا الاصلية طارت بلا حرس حدود غادروا مواقعهم وصار الامر كما قال النابغة تعدو الذئاب على من لا كلاب له
وتتقى مربض المستثمر الحامي المستثمر الحامي اللي هو كلب الغنم - 00:03:35

كلب الغنم معروف انه شرس وان الذئاب تخاف منه والمستثمر طريقة الكلب المستثمر انه يجلس على مقعدهه وقد وضع ذيله بين
فخذيه الى الاماكن مش للوراء وده معناه ان الكلب مستعد للانطلاق - 00:04:03

فتعدو الذئاب على من لا كلاب له نحن بكل اسف ليس عندنا حرس حدود الذي حدث ان هذا الكاتب الذي كما قلت يعني آآ في صحيفة
وليدة مغمورة يعني حتى امس الثلاثاء - 00:04:28

تسعة وعشرين ذو القعدة سنة الف ربعمية تسعه وعشرين صدر العدد الثالث منها في كل عدد هجوم على اصل من اصولنا او على
احاديث لم يتكلم احد من اهل العلم ابدا - 00:04:52

في صحتها بل تلقاها العلماء سلفا عن خلف بالتأويل اللي هو المنضبط المبني على القواعد المعروفة سواء كان في قواعد الحديث

قواعد قوانين قبول الرواية او في قواعد الاستنباط المعروفة في اصول - [00:05:09](#)
الفقه لكن اه بكل اسف الكاتب آآقرأ كتابا او كتابين وظن انه بذلك يستطيع مساورة جبال الحفظ والفهم من العلماء كامثال البخاري
وغيره وصار يساورهم كانه رجل مثلهم فذكرني هذا - [00:05:28](#)

طبيعة كل متطفل على اي علم من العلوم ان هو اه في وسط الجهلة يتكلم لانهم لا يفهمون شيئا انما في وسط العلماء فانه يفضح نفسه ومن العقوبة ان يظل المرء - [00:06:00](#)

مستورا لا يعرف حتى اذا تكلم فيما لا يحسن فضحه الله تعالى وهذا ما جرى لهذا كاتب ولاخر ساشير اليه بعد قليل آآ ذات مرة ذكر علماء الادب انه ذات مرة - [00:06:23](#)

آآ كان رجل من يعرف بالفهادة. الفهادة اللي هي ضد الفصاحة كان مرة مع ابنه في الحمام الحمامات العامة قدימה كانت في الميادين وكان قال يذهبون الى الاستحمام في هذه الحمامات - [00:06:44](#)

الرجل ده معه ابنه فابنه داخل في الحمام بيستحمى وبعدين الاب منتظر الابن على باب الحمام وبينما هو واقف اذ جاء افصح الناس خالد بن صفوان ابو صفوان وكان خطيبا بلغا مفوها - [00:07:06](#)

فوقف خالد بجانب هذا الرجل ينتظر ايضا دوره فاراد الرجل ان يعرف خالدا انه فصيح ايضا وانه يتكلم ايضا بالبلاغة فنادي ابنه وقال له يابني ابدأ بيذاك ورجالاك ثم التفت الى خالد المتباهي - [00:07:26](#)

وقال يا ابا صفوان هذا كلام قد ذهب اهله. ما عدش حد بيتكلم لغة عربية. انا وانت بس اللي بنتكلم لغة عربية وبيقول لي يابني ابدأ بيذاك ورجالاك مش بيديك ورجليك كاي واحد فاهم الف به يعني في العربية - [00:07:48](#)

قال يا ابا صفوان هذا كلام قد ذهب اهله. قال هذا كلام لم يخلق الله له اهلا قط يعني ما تكلم بهذا الخطط احد ابدا فهذا الكاتب زي هذا الذي يعني من الفهادة - [00:08:06](#)

بحوار هذا الخطيب البلجيق الحقيقي هو سهل علينا كثيرا ان نرد عليه ليه لانه يتكلم بقواعد الحديث التي لا يعرف منها شيئا انا قرأت اخر مقالة له النهاردة فيما يتعلق قضية ان النبي صلى الله عليه وسلم مات باسم اليهود قال قصة باطلة ورواية البخاري منقطعة - [00:08:23](#)

طاعة ومنكرة وتكلم في الجانب الحديسي بكلام يضحك منه طلاب الحديث الذين هم مبتدئون في طلب الحديث كما ذلك بجلاء ان شاء الله تعالى في حلقة اليوم وفيما يأتي ان شاء الله عز وجل من حلقات ان تيسر لي ان - [00:08:44](#)

يعني فراغا في الرد عليه قبل ان ادخل الى حقيقة الموضوع اقول ان امثال هذا الكاتب نحن نرد عليه على التراخي لأننا تعودنا الهجوم على المصادر الاصلية من اكثر من صحيحة. تقريبا بقت موضة دلوكتي - [00:09:04](#)

كل رجل يريد ان يشتهر كل واحد يريد ان يعرف خالفا تعرف يأتي على احاديس صحيبة يأتي على اشياء متفق عليها من العلماء جميعا فيتهم العلماء جميعا انهم لا يفهمون شيئا. وانهم ما عرفوا دلالة الاحاديث وهو الذي ابتعثه الله عز وجل اليها من القرون المتأخرة - [00:09:26](#)

ليصحح لنا ما اخطأ فيه كل العلماء. زي واحد كده المفروض يحجر عليه. يعني يبدو يبدو انه لكبر سنه اختلط فزعم ان ان صحفيا صحق ما اخطأ فيه العلماء على مدار الف عام - [00:09:45](#)

فتتصور اتصور نظرة هذا الرجل الهرم المخرف ان الامة كلها لم تنتبه لخطأ واتي صحفي غير متخصص فاكتشف ما اخطأ الامة فيه وغفلت عنه الف في عام كاملة. قالت احنا بنعاني من هذه المنظومة المتهترئة والهجوم الدائم على مصادرنا - [00:10:02](#)

الاصلية انا عايز الاول احط اصلين ثلاثة كده في الاول آآلكن قبل ان اضع هذه الاصول ما الذي جعلني اتكلم في آآقناة فضائية عن هذا الموضوع والصحيفة كما قلت وليدة ومغمورة والصحفي مغمور - [00:10:25](#)

لا يعرف ولا يعرف بجده ولا اضطهاده ولا يعرف في طلبة العلم وكلامه كله مسروق من المستشرق الامريكي ومن كتاب الصديق بنت الصديق العباس محمود العقاد الذي اخطأ فيه خطأ جسيما. وتقريرا لم يضف الصحفي شيء - [00:10:46](#)

شيئاً من عنده إلا إذا أضاف شيئاً من يعني الكلام حتى يبين أنه محقق وإن هو مبتكر إلى آخره. لكن البحث كله مسروق من المستشرق الأميركي ومن عباس محمود العقاد. لم يضف الصحفي شيئاً من هذا اطلاقاً. وإنما أعلم أنه ينقل ولا يعقل ما يقول -

00:11:04

كما ساببن يعني بالدلائل انا لست يعني آفي مقام المهاجم آبلا دليل لا انت سترون الان به وتسمعون باذانكم ان شاء الله عز وجل ما يدل على جهل فاضح باصول الاسلام وفروعه - 00:11:25

لكن الذي دعاني ان اتكلم فيه كما قلت في قناة فضائية يراها الملايين انه في الاسابيع الماضية في يوم الاربعاء في الفضائية المصرية في برنامج البيت بيتك اه مقدم البرنامج استضاف ضيفا - 00:11:44

ليتكلم عن هذه المسألة وقال له ان في الصحيفة الفلانية ان في واحد تكلم قال له نعم انا يعني قرأت هذا الكلام وبعدين طالب هذا الضيف بمقابلة فضائية للرازح وقال لا يتكلم فيها الا علماء الازهر - 00:12:01

فانا يعني طمعت ان يكون الرجل سيصحح هذا الخطأ والخطأ والزييف اللي هو كتبه هذا الصحفي في هذه الصحيفة بمناسبة انه يقول ان الازهر ينفي، ان يشرف على القناة ولا يتكلم العلماء الازهريين فقلت خلاص انه سيرجع الامر الى نصابه وسيأتي - 18:12:00

سيدخل البيت من بابه لكنه اسقط في يدي انه كرر نفس الكلام الذي قاله هذا الصحفي بكل اسعد وانا اعلم انه طالما تكلم في قناة فضائية انه يراه الملائكة، فحينئذ لا يحمل ايادا انها يفضحونه، في ميدان وبصالحونه، في حارة - 00:12:39

كما يقول الناس لو كان الامر مقتصر على الصحيفة لاعرضت عنه. لانه ليس بجديد ان يتكلم جاهل في صحيفة مغمورة او في صحيفة مشهورة. كلا، ده اول ما تطلب فعطور ما خلاص، انتهى، الموضوع - 00:12:58

لكن طالما انه تكلم في فضائية يراها الملايين انا سارد عليه وعلى غيره ايضا في فضائية ايضا يراها الملايين الاصول اللي انا عايز احطها او اضع بعض الاصول اولا ليس هناك احد معصوم من الخطأ - 00:13:14

بعد رسول الله صلى الله عليه وسلم يوم مات النبي صلى الله عليه وسلم دفنت معه العصمة خلاص فكل انسان يخطئ ويصيب لكنه
كلما كان فاضلا جليلا كان خطأه اقل - 00:13:35

وكلما كان جاهلاً كان خطأه أكثر فلا ينبغي تحت ستاريه انه لا عصمة لاحد بعد النبي عليه الصلاة والسلام ان يتكلم الجهلة في مقابل اهل العلم بل لا بد ان يتكلم اهل العلم في مقابل اهل العلم. اما الجاهل فمحله ان يجسو على ركبتيه تحت اقدام اهل العلم -

00:13:54

يتعلم لا ان يلبس مسوح اهل العلم ويتنزىء بزبدهم ويتصور انه يستطيع ان يساورهم ده الاصل الاولاني الاصل الثاني ان الحق لا يعرف بالرجاء، ده هذا كلام قاله على ابن ابي طالب رضي الله عنه اعرف الحق - 00:14:18

تعرف رجاله فان الحق لا يعرف بالرجال ولكن الرجال يعرفون بالحق. ده هذا كلام صحيح المئة بالمائة وده معناه انه لا احد فوق الدليل ابدا ايا كان هذا العالم - 00:14:40

قول العالم بمجرده لا يعد دليلا انما يفتقر الى الدليل ومن الاقوال المعروفة ان قول العالم يستدل له لا به فارجو يعني ايه تركزوا معي في الكلام عشان ما تختلطش المعاني - 00:15:03

قول العالم يستدل له اي عالم في الدنيا قال كلاما نقول له ما دليلك لان كلامه ليس دليلا اذا قال كلاما نستدل لكلامه بقول النبي صلى الله عليه وسلم من السنة وقيل ذلك وقول الله عز وجل من القرآن لا ان قول العالم يستدل به - 00:15:29

مواضيع في الـ

وَمَعَ ذَلِكَ مَعَ إِنْهُ الْحَقُّ لَا يَعْرِفُ بِالرِّجَالِ - 00:15:53

التعريف بالرحلة وآفاقها وأهميتها في تعريف العالم

فعشان ما بحش واحد بقوا لـ هذه العيارة اسكت ونقدر بطبعنـ لـ عـلـ العلماء احنا بنقوـ له كـماـ تكمـلة العـيـارـةـ ولكنـ الرـحـاـ هـمـ

وسائل الحق هم اللي بينقلوا الحق والطعن في الرجال طعن في الحق الذي يحملونه - [00:16:33](#)

لما بنجي نقول البخاري زي ما هو بيقول لك البخاري مش معصوم والبخاري ليس فوق النقد العلماء عندما يقولون البخاري لا يقصدون شخص البخاري وحده وان كان شخص البخاري جليلا عظيما - [00:16:53](#)

لكنهم يقصدون صحيح البخاري صحيح البخاري لم يصنفه الامام البخاري ويضعه في صندوق ويغلق على هذا الصندوق ثم يدفن هذا الصندوق في الارض وبعدين بعد عشرات بل مئات السنين بينما رجل ينقب في الارض اذ وجد صندوقا - [00:17:11](#)

فتح الصندوق وجد كتاب اسمه صحيح البخاري قال انا وجدت كتابا اسمه صحيح البخاري البخاري لم يكن هكذا في يوم من الايام منذ صنف البخاري كتابه وهو يعرض على ملابين العلماء في كل العصور - [00:17:38](#)

لكل العصور دي كلها ملابين العلماء قرأوا صحيح البخاري فمن شارح له ومن متعقب ومن مختصر ومن حال لمشكلاته يعني البخاري كتاب معروض عرض البخاري عقله واختياره وعلمه على الامة كلها حتى هذا الزمان الذي نعيش نحن فيه - [00:17:53](#)

فإذا مر حديث ما في صحيح البخاري من يوم ان صنف كتابه الى الان لم يتكلم في صحته مخلوق انا بقول اهو مخلوق في احاديث في البخاري العلماء تجادلوا فيها - [00:18:21](#)

كعادة اي علماء او كعادة اي جهد بشري تجادلوا فيها. ده صحيح ولا مش صحيح؟ العلماء دخلوا فصل البخاري عنده حق لا ما عندوش حق الكلام ده. ده كلام لا يعرفه الا اهله - [00:18:40](#)

لكن ما لم يتكلم فيه اهل العلم هو ده اللي احنا بنقول عليه بقى تلقت الامة صحيح البخاري بالقبول فلما يجي واحد مش متخصص اصلا وربما اذا عرض عليه صحيح البخاري لا يستطيع ان يقرأ سندًا واحدا صحيحا - [00:18:53](#)

ولا متنا صحيحا فضلا عن ان يعرف طريقة البخاري في ترتيب كتابه ولا في طريقة ترجمته ولا انواع الترجمات عند البخاري ولا كيفية ربط الترجمة بالحديث. ما عندوش فكر عن القصة دي كلها - [00:19:17](#)

وراح عمال يسرق يتلخص بقى المعرفة ويتقمم المعلومات من مستشرق هنا ولا هناك ولا كاتب هنا ولا هناك ويجي عمال يعمل نفسه بطل وان هو هو ده كل من بنات افكاره وهو لا يستطيع ان يفهم شيئا في صحيح البخاري دي تبقى جنائية عليه غرق نفسه - [00:19:33](#)

فضح نفسه بين الخلق البخاري عندما نقول ان البخاري اصح كتاب هو فعلا اصح كتاب رغم انف الجهلة الذين لا يعرفون شيئا فلما يقول البخاري مش معناها شخص البخاري معناه صحيح البخاري الذي عرض على الامة كلها كما قلت ولم يتكلم اي عالم - [00:19:50](#)

من العلماء الذين هم ادرى الناس بقوانيين الرواية وبقوانيين الدراء لم يتكلموا عنها عن هذا الخبر بيقى الجاهل عندما يأتي فيتكلم حينئذ يفضح نفسه وينبغي ان يضرب على ايدي همساء هؤلاء العابثين والا غرقت السفينة كلها وانا ارى مشارف الغرق - [00:20:14](#)

رأي العين آآ كلام اللي انا عايز اقوله النهاردة فيما يتعلق بسن عائشة انا قلت لكم ان هذا الكاتب سرق هذا الكلام كله من المستشرق ومن عباس محمود العقاد ومن لف لفهما - [00:20:33](#)

والعقد كان رجلا يقع تحت خط الفقر في علوم الاسلام رواية ودراءة وانا قرأت كثيرا جدا عن العقاد وعن آآ مخالفيه عن هذه الفترة آآ اجمع تقريبا كل من كتب عن عباس محمود العقاد - [00:20:55](#)

انه كان رجلا فيه باو وكبر وكان فيه اعتداد بالنفس وفي نفس الوقت لم يكن يرعى لاحد حرمة عند الاختلاف ومن علامات كبره ما ذكره الكاتب انيس منصور في كتاب في صالون العقاد كانت لنا ايام - [00:21:19](#)

انا قرأت هذا الكتاب آآ ذكر ان آآ ان هو في اخر حياته كان مريضا بالقلب وبعدين جاء الطبيب علشان يكشف عليه فقال له قلبك ضعيف وبتاع فقال له كلاما معناه انا مش حافز عبارة طبعا الكاتب كاتب الكتاب لكن المعنى بتاعها - [00:21:39](#)

ان القلب الذي لا يستطيع ان يحمل العقاد يتوقف قال له كده بيقى ده هو شايف ان العقاد ده حاجة فوق اوي او وهذا هو عين الباء والكب ويفي خصوص قصة عائشة وسن عائشة رد عليه كثيرون من اهل العلم. وقرأت رد العقاد عليهم - [00:21:59](#)

يحتقرهم جميعا برغم ان الذين تكلموا من اكبر العلماء الذين شهدتهم مصر عرفتهم واتوا على بنيانه من القواعد ايضا ومع ذلك لم

يرفع له رأسا بل نبذهم نبذ النواة انا اقول - 00:22:20

ان الرجل كان يكتب من دماغه وكان ينظر الى اي مصدر اي مصدر من المصادر ما عندوش اي فكرة عن علوم الحديث ولا قوانين نقل الاخبار ولا الحدوثة دي ولا الكلام ده فكاد اي خبر من الاخبار في كتاب حتى لو كتبه كسير او عوير او - 00:22:38

ثالث ما فيه خير كان يغدو على اساس انه حقيقة مسلمة طالما انه يخدم الفكرة التي يكتبها وبالتالي احتاج بي الساقط الذي لم يعتد به احد من اهل العلم قط وجعله حقيقة ثابتة وجمع له جراميده وقعد يقوى فيه وينفح فيه الروح علشان يبقى دليل - 00:22:55 لكنه لا ينهض دليلا عند اهل العلم اللي حصل ايه بقى الذي ازعج اه العقد وغيره من الجماعة الغيورين اللي عايزين يردوا عن الاسلام والمسلمين لما هذا المستشرق الامريكي استفهم يعني - 00:23:15

ازاي واحد رجل سنه اربعة وخمسين سنة يتزوج بنت سنه تسع سنوات تيجي ازاي يعني تسع سنوات يعني لسه عيلة بتلعب فكيف يتزوجها وكيف ينعقد هذا الزواج فالجماعة عندنا حبوا يدافعوا - 00:23:36

مش بقى رجعوا الى اقوال اهل العلم المتخصصين ونظرة كيف عالجوا هذه القضية لانها لم تخف عليهم كيف عالجوا هذه القضية وهل اه جمعوا لها ادلة صحيحة اخرى ولا لا - 00:23:58

لا وجد ان احسن حاجة ان يقول ما حصلش ان النبي عمل كده نواري الجesse جesse الموضوع كله ندفعه بقى كده استرحنا فهذا هو الذي جرى. قال لك ما حصلش. كل الاخبار غير صحيحة - 00:24:12

وبدأوا يبحسوا في كتب التراث والتاريخ والكلام ده. وجدوا تواريخ لا خطاط لها ولا زمام تخدم الفكرة بدأوا يطعنوا في الاحاديس الصحيحة بالاحاديث المنقطعة والروايات الباطلة عشان يقول لك ان النبي صلى الله عليه وسلم ما حصلش - 00:24:29 تزوج عائشة وسنها تسع سنين بل تزوج وسنها تمنتasher سنة وكانت صالحة للزواج انذاك الكاتب المغمور اللي انا بكلمكم عنه ده اول ما شطح نطح عمل ايه بقى وطبعا صاحبنا الضيف اللي هو تكلم في القناة الفضائية - 00:24:46

اخذ نفس الحدوثة وقالها نفس الكلام لكنه مع صاحبه علشان يتكلم بقى بالترتيب المنطقي عندهم قال لك نتكلم رواية ودرایة نتكلم في الاسناد ونتكلم في المتن اولا علة الحديث ده كله - 00:25:11

رواه عروة ابن الزبير وتفرد به عن عائشة ورواه هشام بن عروة وتفرد به عن ابيه والمشكلة تكمن في هشام بقى الحديث عندنا ايه؟ استناده هشام ابن عروة عن ابيه عروة - 00:25:37

عن عائشة رضي الله عنها ان النبي صلى الله عليه وسلم آتاها تزوجها وهي بنت ست يعني عقد عليها وبني بها وهي ابنة تسع سنوات قال لك بقى عروة هو اللي رواه عن عائشة - 00:26:01

يعني ما فيش حد تاني رواه مع عروة وهشام تفرد به عن ابيه. ما فيش حد رواه عن هشام خالص ما فيش حد رواه مع هشام عن عروة طب يا عم هشام عيبه ايه - 00:26:18

قال لك لأ طلبتها وسأءله حفظه لما راح العراق ومالك كان لا يرضاه وهو تفرد بالحديث اذا كان هو امره كده بقى الحديث بتاعه باطل مردود اضعف الى ذلك انه لم يروه مدني قط - 00:26:36

عن هشام كل اللي رواه عن هشام من اهل العراق اللي هو سأءله حفظه لما دخل العراق انت عارف ما يقولش الكلام ده واحد عالم انت عارف العلماء الكبار امسال البزار والطبراني اللي هم مهتمين بكلمة المفاريت دي. لو قالوا هذا الكلام انا اسلم لهم - 00:27:01

الطبراني لما يقول تفرد به فلان لما يروي عن فلان الى فلان ممكن اسلم الطبراني الطبراني كان يحفظ الف الف الف لما يقول ففرض به فلان عن فلان اه بيسبيه الرمية - 00:27:23

وقد لا يسلب لهم احيانا مع انهم من ائمة الكبار لأ صاحبنا بقى في المسألة التي فيها خلاف يقول بلا خلاف وفي المسألة التي لم يقل بها احد قط لا من الناس ولا اظن من الجن - 00:27:36

يقول ايضا لا خلاف وهو معتمد على ان الناس لا يقرأون وان اكثر الناس غير متخصصين ولو احاله الى كتاب هو عارف انه لا هيقرأ حتى لو الكتاب عنده مش هيقرأ - 00:27:53

فبراحته يتصور انه ليس في الزوايا خبايا وليس في الناس بقايا. وان هو لوحده كده في الدنيا وان ما فيش حد هيدور وراه ويبحث
وراه ليبيين انه كاذب وكل المعلومات اللي بيجيها دي - 00:28:07

اما سطى عليها ولم يرها ولم ينظر الى كتاب بعينيه يجاتها من على الكمبيوتر يا بتاع الكلام ده انسان غير معروف في طلب العلم
الشرعى نيجي بقى اقول لكم بقى القصة انا ليه بدأت بالاسناد عشان انتم لسة معى في اول الحلقة فممكן يكون عندكم نشاط -
00:28:21

اسمعوني وانا مضطر بكل اسف ارد برغم ان الكلام قد يكون فيه صعوبة لكن لازم ارد آآاما ان الحديث لم يروه الا عروة فهذا كذب انا
لخصت الروايات كلها الحقيقة انا يعني البحث اللي قدامي طبعا انا جبت عشان اقرأ عليكم من الكتب عشان ما ييقاش الكلام من
دماغي - 00:28:39

لا ساقرأ عليكم من الكتب واعينها عشان تعرف هذا البنى ادم ما حظه من الامانة العلمية الحديث ده يا اهل الخير رواه مع عروة ستة
عن عائشة مش عروة لوحده - 00:29:04

رواہ الاسود بن یزید ورواه القاسم بن عبدالرحمن ورواه القاسم ابن ابی ابن محمد ابن ابی بکر ورواه آآ وروته عمرو بنت عبدالرحمن
ورواه یحیی بن عبدالرحمن بن حاتم وعروة ابن الزبیر یقى ادی سبعة - 00:29:25

يروون هذا الحديث بهذه الالفاظ عن عائشة رضي الله عنها دی اول حاجة ی يقول لك هشام ابن عروة لم يتابعه احد. ما فيش حد روی
الحادیث مع هشام خالص لا - 00:29:47

ده روی الحدیث مع هشام بن عروة الامام الكبير العلم ابن شهاب الزهري وهو اصله متکلم عن ابن شهاب في الحلقة الاخيرة دی وانا
راجعا له هرجع له فيما بعد لما یجي دور ابن شهاب الزهري - 00:30:02

الامام ابن الشاب الزهري امام الائمه في الحدیث روی هذا الحديث عن عروة عن عائشة رضي الله عنها وروایته في صحيح مسلم
ورواه ايضا ابو حمزة میمون مولی عروة ايضا روی هذا الحديث عن عروة ابن الزبیر - 00:30:15

یبقى بقى کلامه ان آآ هشام ابن عروة لما دخل العراق اختعلط وسأله حفظه ولذلك كان لا يرضاه مالك برغم ان هو من شيوخ مالک ليه؟
لان قال لك لان هشام - 00:30:34

وهو في المدينة كان معقول وكان کویس وكان حفظه کویس اول ما خرج للعراق لخطب فقال لك كل الذين رووا هذا الحديث عن
هشام من اهل العراق ما فيش حد من المدينة ولا من الحجاز - 00:30:53

روى هذا وطبعا كذب ليه لان روی هذا الحديث عن هشام ابن عروة من اهل المدينة ابو الزناد عبدالله بن زکوان وابنه عبدالرحمن ابن
ابی الزناد وعبدالله بن محمد ابن یحیی ابن عروة - 00:31:11

ورواه من اهل مكة سفيان ابن عبینة الامام الكبير والعالم خلاص یبقى هشام ضبط الحديث ضبط الحديث رواه عنه مدنيون ورواه
عنه جریر ابن عبد الحميد الضبي من اهل الري بعيد خالص عن العراق - 00:31:35

طيب هشام لما دخل العراق راح انهي بلد في العراق انما دخل الكوفة وحدها ما راحش لا البصر ولا راح بغداد ولا الكلام ده دخل
هشام ابن عروة الكوفة ثلاث مرات - 00:31:56

كما قال یعقوب بن شيبة ثلات مرات دخل الكوفة آآ اللي روی الحدیس ده عن هشام ابن عروة من اهل العراق من غير الكوفيين حماد
ابن سلمة حماد بن زید - 00:32:16

اهیب بن خالد وغيرهم من اهل البصرة وانا قلت لك ان هشام دخل الكوفة ما دخلش البصر دخل الكوفة رواه عنه من اهل الكوفة
سفیان الثوری عبدة بن سلیمان علی ابن مسهر - 00:32:40

جعفر ابن سلیمان الضبعی یونس ابن بکیر وجماعة اخرون طب ایه مشکلة بقى هشام ابن عروة لما دخل الكوفة لان لم یقل احد قط
ان هشام اختلط الا ابو الحسن ابن الخطاب - 00:33:05

في كتاب بيان الوهم والایهام وانا لما راجعت لهم وهم الایهام وجدت ابن القطن ذكر هشام ابن عروة في موضعين من الكتاب كله

ونقه في موضع وقال في موضع اختلط - 00:33:23

انا اذكر ما قاله الامام الذهبي رحمة الله عليه في كتاب ميزان الاعتدال في نقد الرجال والذهبی طبعاً معروفاً انه من اهل الاستقراء التام في نقد الرجال. كما قال السيوطي وغيره - 00:33:38

انا هجيب لك لفظ الذهبی اه وهو بيرد على ابن القطن الفاسی بدعواه ان هشام بن عروة اختلط شو بيقول ايه الذهبی هشام ابن عروة احد الاعلام حجة امام لكن في الكبر تناقص حفظه - 00:33:52

ولم يختلط ابداً ولا عبرة بما قاله ابو الحسن ابن القطن من انه وسہل بن ابی صالح اختلط وتغير نعم تغير الرجل قليلاً ولم يبق حفظه في ولم يبق حفظه فهو في حال الشبيبة فسي بعض محفوظه او وهم - 00:34:14

فكأن ماذا اهو معصوم من النسيان ولما قدم العراق في اخر عمره حدث بجملة كثيرة من العلم في غضون ذلك يسير احاديث لم يوجدوها ومثل هذا يقع لمالك ولشعبة ولوکیع ولکبار الحفاظ - 00:34:39

فدع عنك الخبط وذر خلط الائمه الاثبات بالضعفاء والمخلطين فهشام شيخ الاسلام ولكن احسن الله عزائنا فيك يا ابن القطن ده کلام مین ده کلام الامام الذهبی الذي كما قلت - 00:35:00

هو احد الائمه الكبار الذين شرب الحافظ ابن حجر العسقلاني من ماء زمزم ليبلغ رتبته في علم الحديث ايه بقى ؟ مشكلة بقى هشام لما دخل الكوفة لما دخل الكوفة هو دخل الكوفة تلات مرات - 00:35:18

في المرة الاولى كان اذا حدث عن ابيه عن عائشة قال حدثني ابی قال سمعت عائشة المرة الثانية قال حدثني ابی عن عائشة خلي بالك انت وهو انت بتسمعني من الالفاظ - 00:35:42

المرة الاولى قال ايه قال اخبرني ابی قال سمعت عائشة. يعني الاسناد مسلسل بالسمع مش بالعنونه اهو اخبرني ابی سمعت عائشة القدرمة الثانية قال حدثني ابی عن عائشة يبقى في القدرمة الثانية قال عن عائشة بدل سمعت عائشة - 00:36:07

في القدرمة الثالثة قال عن ابي عن عائشة عرفنا بقى الفرق بين آآ الروايات الثلاثة في ادوات التحمل السؤال الجماعة اللي سمعوا اللي انا سمعتهم دول من اهل الكوفة هل يستطيع هذا الكاتب - 00:36:33

ان يبين لنا من الذي سمع منهم في القدرمة الاولى او القدرمة الثانية او القدرمة الثالثة لان القضمـة الاولى والثانية الاثنين قريبـين من بعضـ. الاولى لا غبار عليهاـ. عشرة على عشرةـ. اسنـاد مسلـسل بالـسمعـ. سـمعـته سـمعـته سـمعـته - 00:37:00

ده اعلى درجات التحمل عند العلماء وده ما فيـش فيها اشكـالـ الـقادـمةـ التـانـيـةـ لـماـ قالـ اـخـبرـنيـ اـبـیـ عنـ عـائـشـةـ مـقـبـولةـ بـرـضـوـ مـقـبـولةـ لـيهـ؟ـ لـانـ عـروـةـ ماـ لـاـ يـذـكـرـ بـتـدـلـيـسـ اـحـدـ الـفـقـهـاءـ السـبـعـةـ - 00:37:20

ولا يذكر بتـدـلـيـسـ. فـلـمـ يـقـولـ عـنـ عـائـشـةـ يـبـقـىـ اـيـهـ؟ـ عـشـرـةـ عـنـ عـشـرـةـ يـبـقـىـ الـاسـنـادـ التـانـيـ دـهـ قـرـيبـ يـعـنـيـ فـيـهـ قـوـةـ الاـشـكـالـ كـلـهـ فـيـ القـادـمةـ التـالـيـةـ لـماـ قـالـ عـنـ اـبـیـ عـنـ عـائـشـةـ - 00:37:40

طيبـ الجـمـاعـةـ الليـ اـنـاـ سـمعـتـهـ دـوـلـ مـيـنـ فـيـهـمـ الـلـيـ سـمعـ منـ الـخـادـمـةـ الاولـىـ لـوـ انـ هـذـاـ الكـاتـبـ اوـ غـيرـهـ اوـ اـنـاـ اوـ غـيرـيـ يـعـنـيـ بـحـثـنـاـ وـعـمـرـنـاـ عـمـرـ نـوـحـ لـاـ نـسـتـطـعـ اـنـ نـمـيـزـ - 00:38:01

آآ هذا سـمعـ فيـ الـقـمـةـ الاولـىـ وـلاـ التـانـيـةـ وـلاـ التـالـيـةـ اـبـداـ لـاـ انـ يـنـصـ اـمـامـ عـلـىـ اـنـ سـمعـ الـحـدـيـثـ دـهـ فـيـ الـقـادـمةـ الاولـىـ مـشـ فـيـ التـانـيـةـ فالـهـارـدـهـ ماـ يـقـدرـشـ يـزـعـمـ - 00:38:19

انـ هـؤـلـاءـ سـمعـوـهـ مـنـهـ لـمـ قـالـ عـنـ طـبـ ماـ هوـ يـقـدرـ يـقـولـ لـيـ اـنـ كـمـانـ وـاـنـتـ كـمـانـ ماـ تـقـدـرـشـ يـقـولـ لـيـ سـمعـ عـنـ هـقـوـلـ لـهـ اـنـ لـيـ جـوابـانـ - 00:38:39

الـجـوابـ الـاـولـ انـ روـاـيـاتـ الـكـوـفـيـنـ عـنـ هـشـامـ اـبـنـ عـرـوـةـ تـمـاـلـ الـكـتـبـ كـتـبـ الصـاحـاجـ وـالـمـسـانـيدـ وـالـسـنـنـ وـلـمـ يـقـلـ اـحـدـ قـطـ اـنـ ايـ كـوـفـيـ يـرـوـيـ عـنـ هـشـامـ نـتـوقـفـ فـيـ روـاـيـتـهـ مـاـ حـصـلـتـشـ دـيـ خـالـصـ - 00:38:58

الـحـاجـةـ التـانـيـةـ خـلاـصـ الدـلـلـ دـهـ لـاـ لـيـ وـلـاـ لـكـ اـرـكـهـ عـلـىـ جـنـبـ لـاـ اـنـتـ تـحـتـجـ بـهـ وـلـاـ اـنـ اـحـتـجـ بـهـ. خـلاـصـ هـنـتـوـقـفـ فـيـ روـاـيـةـ الـكـوـفـيـنـ عـنـ هـشـامـ يـبـقـىـ روـاـيـةـ الـمـدـنـيـنـ اللـيـ اـنـاـ ذـكـرـتـهـ وـيـبـقـىـ روـاـيـةـ الـمـصـرـيـنـ اللـيـ اـنـاـ ذـكـرـتـهـ وـيـبـقـىـ روـاـيـةـ اـهـلـ الـرـيـ وـمـنـهـ جـرـيرـ بـنـ

عبدالحميد الضبي اللي ذكرتها كل هذا - 00:39:23

بلا مقاوم يبقى خلاص الرواية سابتة بلا اشكال. سابتة بيقين اضيف الى ذلك هو كل كوفي روى عن هشام لابد ان يكون سمع منه في الكوفة هذا من الممكن ان يكون سامع منه في الحج - 00:39:46

لا سيما ان هشام ابن عروة في حياته كلها لم يدخل الخوف الا ثلاث مرات طب حديث الكوفيدين الكثير جدا. انا لما احصيته وجدته كثيرا جدا بالمئات لولا ان آآ الموضوع بتاعنا مش موضوع ان انا اسرد - 00:40:08

رواية الكوفيدين عن هشام لو خرج وخرج بنا موضوعا او الامر عن موضوعنا لاتيت بهذه الروايات ونصحت عليها وقلت لكم اين توجد هذه الروايات في كتب الحديث فمش معنى كوفي يروي عن هشام ولازم يكون سامح في الكوفة - 00:40:26

ممكن يكون سامع عنه في الموسم في الحج في زمان الحج يبقى انا النهاردة لما اجي اقول ان هشام اختلط الذهبي يقول ما اختلط ابدا وحاشى الله ان يدعى عالم ان هشاما اختلط. لكن ممكن يكون تغير يعني ايه تغير - 00:40:44

الانسان لما بيكون في السن لا يكون حفظه فهو هو في قوته ايام شبابه بل ربما يتتساهم في ادوات التحمل. اللي عملها هشام بدل ما بيقول اخبارني ابي قال عن ابي - 00:41:03

وهذا انكالا منه على انه روى الحديث بالصيغة الاولى مرارا وسمعه منه اناس كثيرون ساعات المحدث ينشط يكون عنده نشاط فيأتي بالرواية على وجهها وساعات يكسل فلا يأتي بها على وجهها لا سيما في ادوات التحمل - 00:41:23

وقد يكون هذا احيانا في بعض الفاظ الرواية احيانا لكن اداة التحمل دي مسألة سهلة. كان يقول اخبارني؟ قال عنه وهذه كثيرة موجودة وقد وقع لهشام ابن عروة رحمة الله بعض احاديث - 00:41:47

طيب ويقول لك هشام دلس كمان من ضمن الحاجات يعني يعني اسقط شيخه وروى الحديث عن شيخ شيخه طيب لما نرجع ل الكلام اهل العلم قالوا هشام ابن عروة - 00:42:09

ربما دلس ربما يعني التدليس ليس من صفتة لما بحثنا من الذي اسقطه هشام ابن عروة؟ في الروايات لقينا اتنين كلاهما من الثقات الاثبات اخوه عثمان ابن عروة وهذا حدث في حديث النبي صلى الله عليه وسلم في حديث عائشة طيبة النبي صلى الله عليه وسلم لحله والاحرام - 00:42:30

يرويه هشام ابن عروة مرة عن عثمان ابن عروة عن عائشة ومرة يروي هشام ابن عروة عن ابيه عن عائشة واسقط عثمان ابن عروة كان ممكن نقول ده من المزید في متصل الاسانيد عند المحدثين لولا ان الحميدي روی في مسنده عن عثمان بن عروة قال ما سمع هشام بن عروة - 00:43:01

هذا الحديث الا مني بيقي هشام لم يسمعه من ابيه انما سمعه من عثمان اخيه عن ابيه عروة بيقي ده دلسه هشام ابن عروة لكن اخوه عثمان ما حاله من الضبط للاتقان؟ كده - 00:43:23

طب الراوي الثاني اللي هشام كان بيسقطه ابو الاسود يتيم عروة وهو كمان كده. الله! اذا الذي اسقطه ثقة ثابت لا يضر الرواية زي ما كان بيحصل لسفيان ابن عيينة زي ما كان اللي بيحصل لحميد ابن ابي حميد الطويل حميد ابن حميد الطويل يروي عن انس - 00:43:41

وكان يسمع من ثابت ابن اثم البناي فيسقطه ويروي عن انس طب سابت من اسم البولاني؟ هذا لازم انس ابن ما لك عشرين سنة. آآ عفوا اربعين سنة فلو اسقط ثابت البناي اسقط ثقة ثبتنا لا اشكال فيه. بل هو اكتر ملازمته لانس من حميد الطويل - 00:44:01

بيقي ما يضرش الایه؟ ما يضرش المسألة ادي اول حاجة المسألة دي تاني حاجة الضيف اللي تكلم فيه الفضائية المصرية قال ان الامام البخاري رحمة الله اما من ناحية الاسناد ما فيش حد يقدر يطعن في الاسناد - 00:44:20

بس البخاري لم يكن يعني له مذهب فقهی كالشافعی واحمد والكلام ده. عايز يعني يقول ايه بالكلام ده؟ عايز يقول ايه البخاري ده كان من الغبياء ينقل اسانيد ولكنه لا يدری ما المتن - 00:44:37

ممكن ينقل متن منكر شاذ وهو لا يدری. ما هو ايه معناه ان البخاري ما كانش زي احمد وما كان لوش مذهب فقهی والكلام ده. لا

البخاري كان له مذهب فقهي - 00:44:53

وكان اماما مستقلا زي احمد الشافعي بالضبط والذي ينظر الى تراجمه يعلم هذه الحقيقة ونعم وافق الشافعي في كثير مما قال
ووافق احمد في بعض في كثير مما قال. ولذلك تلاقي الشافعية يغدو للبخاري يقول لك ده من اصحابنا - 00:45:03
والحنابلة يأخذوا البخاري يقول لك ده من اصحابنا. ده يحطوه في طبقات الشافعية ومرة يحطوه في طبقات الحنابلة لا البخاري امام
مجتهد ما كان يقلد احدا وكانت الملكة الاجتهد عنده على وجهها - 00:45:22

فلما يجي واحد يقول البخاري اسانيده مية مية لكن يعني ما كانش يعني بياخد باله من المتن شوية ممكни يروي متون يعني ضعيفة
بيضرب بعضها بعضا وهو لا يدرى طيب المتفق عليه - 00:45:38

عند علماء الحديث قاطبة انه لا ينظر الى اي متن الا اذا صح اسناده انما الائمة الكبار الاعلام الذين اختلط الحديث بشحهم ولهم
وصارت لهم فيه ملكة بمجرد ان يسمع المتن لكثرة محفوظه لاسانيد ومعرفته برواية الاحاديث - 00:45:56
من جهة الثقة من جهة الضبط والاتقان والضعف والكلام ده كان ممكни يحكم على الاسناد بدون ما يسمع المادة عفوا يحكم على المد
بدون ما يسمع الاسناد بس مين اللي يحكم هذا الحكم - 00:46:27

انتم الكبار الذين صار لهم ذوق زي اي صناعة من الصناعات بقى يعني واحد جواهرجي شغال في المجوهرات بقى له خمسين سنة
ممكни يستوي مع ولد لسه شغال معه بقى له سنة ولا سنتين - 00:46:41

اللي شغال في المجوهرات بقى له سنة ولا سنتين ممكни يختلط عليه الماس يجي واحد عامل ماس مزيف او يعمل كريستال مزيف
خصوصا اللي بيتحط في الذهب او يجيب الذهب فالصو - 00:46:56

ويقول له ايه رأيك في الذهب ده انا عايز ابيعه؟ الواد اللي بقى له سنة ولا سنتين ولا ثلاثة ممكни يقبل الكلام ده واخذه ذهبا انما اللي
بقى له اربعين خمسين سنة اول ما يمسكه بس - 00:47:10

يقول لي ده مزيف ايه الفرق بينهم طول العمر الملكة والدرية بقى لما يجي واحد لسه ماسك قلم وعمال يكتب وفرحان
بنفسه وعمال يكتب مع واحد كان الامام البخاري شهدت الامة عن بكرة ابها له بالتقدم والذكاء الخارق - 00:47:21

شهد له شيشه وشهد له اقرانه وشهد له تلاميذه وقل من الناس في هذه الامة كلها من العلماء يعني من تعرض لجرح البخاري او تكلم
في فهمه بل كلهم خاضعون لفهمه سواء كان من جهة الحديث او كان من جهة الفقه - 00:47:45

فلما يجي واحد لا يعرف قبليا من دببر يقول لك البخاري مش فاهم حاجة وبيجيب متون ما لهاش اي كلام والاساليب بتاعته ايه ايه
هذا سلام ما محله؟ معروف كده ما فيش اسناء ما فيش متن في الدنيا يحكم عليه بالصحة والضعف الا اذا صح الاسناد اليه -
00:48:07

فلما يجي يقول لي ان البخاري اسانيده مية مية. البخاري ده بتاع الاسانيد لكن المتن اي كلام بقى عايز يقول للبخاري ايه ما بيفهمش
الله! طب ما الاسناد صحيح. ما الذي يمنعك؟ انك تصحح قال لك لا ده انا عندي علل - 00:48:26

عند علل اعل بها المتن انا هتجاووز الكلام عن البخاري دلوقتي عشان ادخل على علل المتن التي زعموا انها من العلل. عشان اوريكم
الناس دول بيفكرروا ازايم دلوقتي آآ - 00:48:44

عايزين يتوصلوا الى ان سن عائشة ما كانش تسع سنوات يوم بنى بها النبي صلى الله عليه واله وسلم طيب الكلام ده جابوه ازايم انا
اقول لك قالوا ايه آآ - 00:48:59

الاستاذ الضيف اللي هو كان في القضاية المصرية قال ان عائشة واسماء اختنان شقيقتان امهما امرمان طبعا الكلام ده ما قاله احد فقط
من العالمين بل اي انسان عنده اطلاع بسيط يعني - 00:49:25

يعرف ان ام اسماء اسمها قتيلة بنت عبد العزى وكانت مشركة وان ام عائشة هي ام رومان وكانت مسلمة والبخاري ومسلم رويا عن
اسماء بنت ابي بكر اها جاءت النبي صلى الله عليه وسلم - 00:49:52

وقالت يا رسول الله ان امي اتنين وهي مشركة ده اسماء ابن ابي بكر اللي بتتكلم ان امي اتنين وهي مشركة وهي راغبة افالصلها؟

راغبة؟ يعني عايزه قرشين يعني افاصلها؟ قال لها نعم صلي امك - [00:50:14](#)
ادي ام اسماء اما ام عائشة فهي ام رومان قالت عائشة كما رواها البخاري في صحيحه لم اعقل ابوي قط الا وهما يدينان الدين يبقى
ام اسماء غير ام عائشة - [00:50:36](#)

قال لك اسماء بنت ابى بكر كان سنه يوم هاجر النبي صلى الله عليه وسلم وهي حامل في عبدالله بن الزبير كان سنه سبعة
وعشرين سنة وعائشة اصغر من اسماء بعشرين سنين - [00:50:57](#)

يبقى يوم هاجر النبي صلى الله عليه وسلم كان سن عائشة قد ايه؟ يبقى سبعاشر سنة والنبي عليه الصلاة والسلام اتجوز عائشة او
دخل بها بعد الهجرة بستين بعد وقعة بدر - [00:51:13](#)

يبقى ادي اتنين مع سبعاشر يبقى تسعاشر سنة طالما المسألة حساب جبتها منين اما ان اسماء كان سنه سبعة وعشرين سنة
نعم قال هذا ابو نعيم الاصبهاني ان هي ولدت قبل الهجرة بسبعين وعشرين سنة - [00:51:27](#)

اما عائشة جبته منين بقى ان بينها وبين اسماء عشر سنوات قال لك ادلة الدليل الاول ان عائشة اصغر من فاطمة بنت رسول الله
صلى الله عليه وسلم رضي الله عنها - [00:51:46](#)

بخمس سنوات كما نص الحافظ ابن حجر على ذلك في الاصابة طيب يبقى فاطمة ولدت سنة كم عشان نعرف السن الحقيقي لعائشة
قال لك ولدت عام الفيل عليه الصلاة والسلام كان سنه خمسة وتلاتين سنة - [00:52:11](#)

طيب الكلام ده جبته منين قال لك عندنا روایة مین اللي رواها الواقدي بسندہ عن ابی جعفر الباقر عن العباس ابن
عبدالمطلب رضي الله عنه قال ولدت فاطمة عام الفيل - [00:52:45](#)

النبي عليه الصلاة والسلام سنه خمسة وتلاتين سنة طيب طالما انكم يعني بتتكلموا في الروايات كانوا في الاسانيد وعملين تلتاشر في
البخاري وتقول لك ده اصله اسناد مش عارف ايه واصل هشام ابن عروة اختلط واصل مش عارف مين عمل ايه طب تعالوا بقى
نتحاكم للرواية - [00:53:09](#)

لقوانين الرواية. وانا قلت لكم هم سهلوا علينا قوي قوي الكلام والرد عليهم وبيان جهلهم لما رجعوا الى قوانين الرواية. ليه يبقى
في ارضية مشتركة نتكلم عليها لكن الجماعة الالمانية يطعنوا على الصحابة والكلام ده في الهواء هتجيبيه لمين ده -
[00:53:27](#)

يبقى صعب جدا تتناقش معه لان ما فيش ارضية مشتركة ان احنا ننطلق منها احنا اتنين طب تعال بقى طالما انك انت عمال عامل
فارد فارد على ضفتوك على البخاري وتقول لي البخاري اصله كده يعني رحمة الله عليه كان رجلا طيبا - [00:53:45](#)

طيبا مغفل يعني ما كنش واحد بالله بيروي ايه ويتاع والكلام ده. آآ زوامل للاشعاري للاسفار لا علم عندهم الا بجيدها آآ كعلم الاباعر لا
عمرك ما يدرى البعير اذا آآ يعني غدا باحمله او راح ما في الغرائر. يرموا علماء الاحاديس بالبيتين دول - [00:53:58](#)

الواقدي اللي روى القصة دي بقى ما درجه من الضبط والاتقان احنا عايزين اسانيد صحيحة اسمع قال الامام احمد كذاب وقال
النسائي الكذابون على رسول الله صلى الله عليه وسلم اربعة الواقدي بالمدينة - [00:54:18](#)

وقال النسائي مرة وابو حاتم الرازى يضع الحديث يكذب يعني بياكل احاديس وانت عارف الواقيدي ده هو الذي روى الحديث
المشهور الذي يرويه العامة اياكم وخضراء الدمم قالوا وما خضراء الدمم يا رسول الله - [00:54:50](#)

قال المرأة الحسنة في المنبت السوء عزيزي ده انت كتير بيقولوه بتسمعوه على منابر؟ اياكم وخضراء الدمم؟ اهو هذا حديث
مكتوب على رسول الله صلى الله عليه وسلم؟ تفرد برواية الواقيد اللي انا - [00:55:12](#)

عنه ده آآ الامام البخاري قال عن الواقدي هذا متزوك ودي طبعا من آآ اشد صيغ الجرح ابن عدي قال البلاء في كل الروايات منه ده
اول القصيدة ادي الواقدي - [00:55:27](#)

بسندہ عن ابی جعفر الباقر عن العباس ابو جعفر الباقر ده محمد ابن علي ابن الحسين ابن علي ابی طالب رضي الله عنهمما ورحم
الله ابا جعفر ابو جعفر الباخر ده - [00:55:56](#)

ولد سنة ستة وخمسين هجرية العباس ابن عبدالمطلب مات سنة ثلاثة وتلائين هجرية يعني مات العباس قبل ان يولد ابو جعفر بثلاث وعشرين سنة يعني اسناد منقطع يعني في انقطاع بينهم يعني - [00:56:15](#)

تنقطع فيه اعناق المطية يبقى انا عندي الواقع الكذاب وعندي ابو جعفر الباقي الذي لم يسمع من العباس ابن عبدالمطلب السنده عند علماء الاحاديث اسمه سند ساقط اللي هو بيقول لك ان فاطمة رضي الله عنها ولدت عام الفيل - [00:56:38](#)

طب الذي عليه المحققون من اهل العلم متى ولدت فاطمة رضي الله عنها ولدت فاطمة رضي الله عنها كما جزم ابن عبدالبر وجماعة من العلماء قبل البعثة بعام واحد او - [00:57:02](#)

اكثر بقليل بعام واحد او اكتر بقليل ونص الحافظ ابن حجر العسقلاني في ترجمة عائشة رضي الله عنها على انها ولدت بعد المبعث باربع سنوات او خمس يبقى المسألة مقربة - [00:57:20](#)

يبقى لما نقول ان فاطمة رضي الله عنها اكبر من عائشة بخمس سنين يبقى فاطمة ولدت قبل المبعث بسنة وعاشرة ولدت بعد المبعث باربع سنين. ادي الخمس سنين اللي بين عائشة وفاطمة - [00:57:42](#)

وده الكلام المستقيم قال لك لا ما احنا عندنا آمشكلة وعندنا بير هتفت فيه دلوقتي اهو ايه بقى البير ده قال لك البخاري روی في صحيحه من حديث عائشة رضي الله عنها - [00:57:57](#)

قالت لقد نزل قوله تعالى بل الساعة موعدهم والساعة ادھي وامر وانا جارية العب بمكة حديث تاني عائشة بتقول ايه نزل قوله تعالى بل الساعة موعدهم والساعة ادھي وامر هذه الاية نزلت وانا جارية العب - [00:58:19](#)

في مكة طب ايه وجه الدلاله منها يعني اللي انت عايذه قال لك ان سورة اقتربت نزلت سنة اربعة بلا خلاف ما انا قلت لك بيجي على المختلف فيه يقول لك بلا خلاف - [00:58:59](#)

ويجي على الذي لم يقل به احد قط يقول بلا خلاف بيقول اقتربت نزلت سنة اربعة فلو سلمنا جدلا ان عائشة ولدت بعد المبعث باربع سنوات واو خمس سنوات وسورة اقتربت نزلت سنة اربعة - [00:59:24](#)

من المبعث يبقى عائشة كانت اما كانت لسه ما اتولدتش او كانت بترضع يبقى منين بتقول وانا جارية العب لان معنى الكلام انه فهمت ان الاية دي نزلت يبقى على الاقل - [00:59:53](#)

ما يستقيمش الكلام ده الا لو ستها من تمن لعشر سنوات يبقى ده يدل على انها ولدت قبل المبعث بخمس سنوات فلما نزل نزل قوله تعالى بل السعة موعدهم والسعة ادھي وامر سنة اربعة - [01:00:10](#)

وهي اتولدت قبل المبعث بخمس سنوات يبقى ستها تسع سنوات. ده اللي ممكن يتفهم يعني تقول انا عقلت ان الاية نزلت في ذلك الوقت فهذا يدل على ان عائشة ولدت قبل المقعد بخمس سنوات - [01:00:29](#)

والنبي عليه الصلاة والسلام قعد في مكة قد ايه تلتاشر سنة تلتاشر وخمسة قبل ادي تمنتasher واتجوزها بعد سنتين من الهجرة يبقى ادي عشرين سنة يبقى تسبعين عشرين تمنتasher يعني بنلعب في الايه؟ في التلات ايه سنوات دول - [01:00:47](#)

فانت بقى حل لي الحدوة بتاعة ايه؟ البخاري ديت بل الساعة موعدهم والسعة ادھي وامر السؤال اذا كان انشقاق القمر او سورة النجم طلب الساعة وانشق القمر نزلت سنة اربعة - [01:01:16](#)

هي عندك دليل ان سورة اقتربت نزلت كلها دفعه واحدة ولا كما هو معروف بل متواتر ان القرآن كان ينزل منجما على الحوادث سورة البقرة ما نزلتش كلها سورة ال عمران كلها - [01:01:41](#)

اللي نزل كلها مرة واحدة آآ سور قليلة حتى سورة الانعام اللي بيقول لك نزل بها طائفه من الملائكة دفعه واحدة لا يصح من جهة الاسناد. اسناده منكر انما اللي نزل كسورة كاملة - [01:02:02](#)

من السور القصار حاجات بسيطة بالنسبة لسائر القرآن فعائشة رضي الله عنها لو كانت قالت لقد نزل اذا اقتربت اقتربت الساعة وانشق القمر وانا جارية العب كان يبقى مشكلة فعلا - [01:02:18](#)

لكن هي قالت نزل قوله بل الساعة موعدهم والساعة ادھي وامر وانا جارية العب يبقى مش لازم يكون هذه الاية نزلت سنة اربعة لأ

مش لازم تكون نازل لسنة اربعة - 01:02:37

ممکن يكون نزلت في اواخر العهد الایه؟ المكي وهذا امر لا يستطيع احد ان ينفك منه ليه؟ لأن احنا عندنا الاطار العام وهو ان القرآن
نزل منجما على الحوادث فعندما يكون عندي اسناد صحيح - 01:02:55

ان عائشة رضي الله عنها كان سنه كذا ورواية البخاري هي بتقول كنت جارية العب لا ينبغي ضرب الاسانيد الصحيحة بعضها بعض.
بل ينبغي الجمع بين الاحاديث بما يتواافق مع - 01:03:13

روايات حتى تتسق المعاني كلها علم التعارض والترجح الموجود في اصول الفقه الهدف الرئيسي من هذا العلم هو فض الاشكال
الظاهري بين النصوص المتعارضة الظاهر والا فلا يوجد نص صحيح نسان صحيح ان يتعارضان من كل وجه - 01:03:29

بل التعارض انما يكون في ذهن المجتهد مش في حقيقة النص ولذلك تجد بعض العلماء يقول لك انا مش فاهم الحقيقة ده ايه وده
ايه. الاثنين بيعارضوا بعض ييجي واحد عالم اخر اتاه الله عز وجل بسطا فعل اكتر من هذا يقول له ما فيش - 01:03:52

بل نحمل هذا على معنى ونحمل هذا على معنى ويأتي عالم اخر يقول لأ ده هذا الحديث فيه نفس المعنى الذي في هذا الحديث. بس
ده جاء بدلة الایماء وده جاء بدلة - 01:04:08

وجاءوا هذا جاء صريحا لهم مسالك يعني العلماء وضعوا مائة وجه وواحد للتوفيق بين نصوص المتعارضة اللي هي ظاهرها التعارض
يعني نسان متعارضان يقول لك نوفق بالوجه الاولاني ما ينفعش يبقى الثاني يبقى الثالث يبقى الرابع يبقى الخامس يبقى المية -
01:04:22

اين ان الصان المتعارضان من كل وجه حتى لا يسعهما مائة وجه من وجوه الجمع لكن لما يكون في نص باطل ونص صحيح لا يجوز
ان انا اضرب الصحيح بالباطل - 01:04:44

الباطل يسقط ويبقى النص الصحيح بلا معارض كما هو يبقى اذا دعوة ان ان عائشة رضي الله عنها ولدت قبل المبعث هذه دعوة
باطلة قال لك لا ده احنا عندنا كمان عقبة - 01:05:02

ايه العقبة دي قال لك ان المطعم بن عدي خطب عائشة لجبير بن مطعم في الجاهلية فلما اراد ابو بكر ويعني آآ ان يزوج عائشة النبي
صلى الله عليه وسلم حب يتخلص من - 01:05:21

عدتية للمطعم المرأة اول ما دخل انا عايز اقرأ لكم الرواية الحقيقة اه بنصها وانا طبعا يعني اه هدفي في قراءة
الرواية ايه علشان ما فيش حد - 01:05:44

يتصور اني قد اتزيد ربما اروي بالمعنى ولا حاجة آآ افوت جملة مهمة يكون هو باني عليها الكلام بتاعه ولا متكم عليه ولا الكلام ده.
فالحقيقة جبت الایه اتيت بالنص بحذافيره ليسمعه ايه يعني الاخوه جميعا عشان يعرفوا القصة كلها - 01:06:00

طيب آآ الحديث ده رواه الامام احمد ابن حنبل في مسنده آآ من حديث ابي سلمة عبد الرحمن ويحيى ابن محمد ابن الحاقد يعني
قال الرواية طويلة شوية فمعلشي يعني آآ ركزوا معي فيها - 01:06:28

قال لما هلكت خديجة جاءت خولة بنت حكيم امرأة عثمان ابن مظعون قالت يا رسول الله الا تزوجوا الا تتزوج قال من قال ان قال
ان شئت بکرا وان شئت ثيبا - 01:06:54

قال فمن البكر قالت ابنة احب خلق الله عز وجل اليك. عائشة بنت ابي بكر قال ومن الشيب قالت سودة بنت زمعة امنت بك واتبعتك
على ما تقول فقال عليه الصلاة والسلام فاذبهي فاذكريهما علي - 01:07:13

دخلت بيت ابي بكر فقالت يا ام رومان ماذا ادخل الله عز وجل عليكم من الخير والبركة قالت وما ذاك قالت ارسلني رسول الله
صلى الله عليه وسلم اخطب عليه عائشة - 01:07:38

قالت انتظري ابا بكر حتى يأتي فجاء ابو بكر فقالت يا ابا بكر ماذا ادخل الله عز وجل عليكم من الخير والبركة قال وما ذاك قالت
ارسلني رسول الله صلى الله عليه وسلم اخطب عليه عائشة - 01:07:56

فقال ابو بكر وهل تصلح له انما هي ابنة أخيه قالت فرجعت الى رسول الله صلى الله عليه وسلم فذكرت ذلك له فقال ارجعي فقولي

له انا اخوك وانت اخي في الاسلام وابتنتك تصلح لي - 01:08:17

فرجعت فذكرت ذلك له فقال انتظري يعني آآ هي امرأة خولة بنت حكيم رجعت الى ابي بكر فأخبرته بقول النبي صلى الله عليه وسلم انها ايه؟ انت اخويا في الاسلام وهي تصلح لي - 01:08:41

فقال انتظري وخرج قالت ام رومان ان مطعم بن عدي كان قد ذكرها على ابنه فوالله ما وعد وعدا قط فاختلفه لابي بكر مطعم ابن عديدة آآ كان رجلا من اشراف قريش - 01:08:56

ويعني الرسول عليه الصلة والسلام لما وقعت وقعة بدر والاسرى من المشركين آآ وقعوا آآ في قبضة النبي صلى الله عليه وسلم واصحابه وجم بقى الجماعة القرشيين عشان يفدووا الاسرى - 01:09:17

قال النبي صلى الله عليه وسلم لو كان المطعم ابن عدي حيا لاعطيته هؤلاء النتنى ليه؟ لأن النبي صلى الله عليه وسلم دخل في جوار المطعم ابن عدي في يوم من الايام - 01:09:31

فقال لو كان حيا لكافنته بان هؤلاء كنت اعطيته يعني هؤلاء الاسرى بلا فداء فالمطعم بن عدي ما اخلف وعدا قط لابي بكر يعني اكان له يعني آآ جميل في عنق النبي عليه الصلة والسلام اراد - 01:09:44

النبي صلى الله عليه وسلم ان يكافئه به لو كان حيا قالت فدخل ابو بكر على مطعم ابن عدي وعنده امرأته ام الفتى فقالت يا ابن ابي قحافة ده مين؟ ده امرأة المطعم اللي بتخاطب ابا بكر - 01:10:02

يا ابن ابي قحافة لعلك مصبي صاحبنا مدخله في دينك الذي انت عليه ان تزوج اليك يعني هي بتقول له ايه بتقول له انا خايفه ان ابني لو تزوج عائشة - 01:10:19

تضحك عليه وتدخله في الاسلام لعلك مصبي من من ايه؟ من فلان يعني اذا غادر دينه الى دين اخر فطبعا الكلام مع الرجال النساء طبعا المطعم ابن عدي قاعد مراته قاعدة اللي هي قالت لابي بكر الكلمتين دول انا خايفه على ابني تکفروه يعني - 01:10:36

طبعا لان الكلام مع الرجاله فتووجه ابو بكر الى المطعم فقال اقول هذه تقول؟ يعني انت موافقها على الكلام اللي بتقوله قال انها تقول ذلك فخرج من عنده وقد اذهب الله عز وجل ما كان في نفسه من عدته التي وعد. ابو بكر الصديق ما صدق - 01:11:00

ان المطعم ابن عدي وافق المرأة وقال برضه انا خايف على الولد لاحسن يكفر ولا حاجة. فاعتبر ان ابو بكر اتفك من الایه؟ من الوعد السابق ان يزوج عائشة لمين؟ لجبير ابن مطعم اللي هو ايه؟ آآ - 01:11:22

ابن المطعم ابن عدي قالت فخرج من عنده وقد اذهب الله عز وجل ما كان في نفسه من عدته التي وعد فرجع فقال لخولة ادعني لي رسول الله صلى الله عليه وسلم فدعنته فزوجها ايه وعائشة يومئذ بنت ست سنين. دي اللي كتموها بقى - 01:11:35

اهي دي اللي كتموه كلمة غيبته ايه؟ ست سنين. هو كله عمال يحارب عشان ايه؟ عشان تبقى عائشة مولودة قبل المبعث بكم؟ بخمس سنوات فيقوم ياخد من الرواية اللي هو عايذه - 01:12:00

ويرد اللي هو عايذه او يكتمه قالت ثم خرجت فدخلت على سودة وذكرت ايه قصة سودة بنت زمعة مش مش لن اقرأ يعني الایه اللي هو فاقرأ الخاصة بسودة بنت زمع لانها خارج البحث يعني - 01:12:12

قالت عائشة في نهاية الرواية فقدمنا المدينة فنزلنا في بني الحارت من الخزرج في السنح. الصلح اسم مكان يعني قالت فجاء رسول الله صلى الله عليه وسلم فدخل بيتنا واجتمع اليه رجال من الانصار ونساء فجاءت بي امي واني لفي ارجوحة - 01:12:32

بين عذقين ترجم بي. بيتمنرح يعني فانزلتنى من الارجوحة ولی جميمة ففرقتها جمة يعني ايه شعرها يعني ومسحت وجهي بشيء من ماء ثم اقبلت تقودني حتى وقف بي عند الباب واني لانهج - 01:12:55

من الجري حتى سكن من نفس ثم دخلت بي فإذا رسول الله صلى الله عليه وسلم جالس على سرير في بيتنا وعنه رجال ونساء وانصار في اخر البتاعة قالت ايه؟ وانا يومئذ بنت - 01:13:14

له تسع سنين طيب ايه الاشكال بقى اللي هم عايزين ما هو وجہ الدلالة من الخبر ده اللي هم عايزيته يعني واديك شفت في الرواية نفسها عائشة بتقول - 01:13:28

ان النبي صلى الله عليه وسلم عقد عليها وهي ابنة ست وبنى بها وهي ابنة تسع في نفس الرواية. كتموا الايه؟ الفقرتين دول وتعلقوا بحاجة اوهى من بيت العنكبوت ايه بقى الحاجة اللي اوهمية العنكبوت ديت - [01:13:46](#)

قالوا ان ابا بكر رضي الله عنه لا يمكن يزوج عائشة رجلا ليس على دينه الا ان يكون وقع هذا الوعد بالزواج قبل البعثة
يبقى يصدق يبقى ممكنا الدنيا تتبع شوية - [01:14:03](#)

ومش ممكن طبعا آبا بكر الصديق يزوج ابنته او يعد بالزواج لبنت سنها سنة ولا بتابع بل لازم يكون سنها خمس سنين ست سنين
تابع الكلام ده وهذا في ايام الجاهلية قبل البعثة النبوية. ليه؟ لأن ابا بكر الصديق - [01:14:32](#)

مش ممكن يجوز واحد كافر لبنته المسلمة ليه؟ لأن فيه عندنا اصل من الاصول انه لا يجوز لامرأة مسلمة ان تكون تحت كافر اصل من
الاصول فيقول لك ازاى بقى - [01:14:55](#)

والاصل ده موجود ابو بكر الصديق يزوج عائشة المسلمة لجبير بن مطعم الكافر لأن جبير بن مطعم اسلم فيما بعد برقعة بدر واحنا
عارفين الحديث الذي رواه البخاري ان جبير ابن مطعم - [01:15:13](#)

دخل بعد وقعة بدر الى مكة في فداء اسرى بدر قال فاتيت النبي صلى الله عليه وسلم وهو يصلی في المسجد. الكلام ده كان قبل ان
يسلم جبير بن مطعم - [01:15:34](#)

اتي وهو كافر آما المسجد النبي صلى الله عليه وسلم كان بيصلی المغرب بالمسلمين قال فسمعته يقرأ من سورة الطور ام خلقوا من
غير شيء ام هم الخالقون ام خلقوا السماوات والارض بل لا يوقنون - [01:15:47](#)

ام عندهم خزان ربک ام هم المسيطرین؟ قال فكاد قلبي ان يطير الكلام ده وهو كافر لسه واسلم فيما بعد فقال وحيث ان القاعدة
بقى ان ما فيش مسلمة تبقى تحت كافر - [01:16:06](#)

يبقى مستحيل يتم هذا الكلام لو كان سن عائشة لو كانت عائشة ولدت بعد البعثة بخمس سنين كانت مسلمة وجبير كان قال لك ما
ينفعش الكلام ده الا ان يكون فين - [01:16:25](#)

في الجاهلية بص بقى زي ما قلت لك ايه يعني اه فرحان لقى نص يخدمه قام خطفه ومشي ما يعرفش ان فيه نصوص اخر ما
يعرفش ان الانسان اذا اراد ان يجمع معنى من المعاني - [01:16:39](#)

لابد ان يجمع شتات الاحاديث النصوص عموما قرآن وسنة في الباب يسلط بعضها على بعض ويطلع بالنتيجة النهاية فاحنا عندنا
النصوص النص ممكنا يبقى مطلق نص اخر يقيده النص قد يكون عاما - [01:16:57](#)

فيجيء نص اخر خاص يخصمه النص ممكنا يبقى متقدم يأتي نص اخر متاخر ينسخه النص ممكنا يبقى مجمل يأتي نص اخر يبينه
فانت ما ينفعش تخطف نص وتجري به لازم معنى من المعاني اي معنى من المعاني - [01:17:17](#)

عشان تفهم المعنى كله لازم تجيب كل النصوص الواردة من الباب بشرط ان تتبع قوانين اهل العلم عشان اصل الكاتب الصحفي ده
اللي هو كتب هذا الكلام. عمال يجيب نصوص من هنا وهناك - [01:17:40](#)

وفاكر نفسه ان هو عمال يجمع ده عمال يخبط خبط النص ده بالنص ده ومش عارف يجمع لان الجمع بين النصوص يحتاج الى
دراسة خاصة ثم انه يحتاج الى ملقة ويحتاج الى طول عمر وممارسة للنصوص. هو ما عندوش القصة دي - [01:17:54](#)

انا دلوقتي ابين لكم النص الذي يدل على بطلان هذا الفهم وهو نص محكم لا يمكن ردہ بل والنص طبعا اقصد به جنس النص لان انا
عندي نصان عندي نص من القرآن - [01:18:12](#)

وعندي نص من السنة اما النص من القرآن آفهو ما ورد في سورة الممتحنة في قول الله تبارك وتعالى لا هن حل لهم ولا هم يحلون
لهم ده معناه ايه - [01:18:32](#)

ده معناه انه لا يجوز لمسلمة ان تكون تحت كافر سورة الممتحنة دي نزلت امتى او الحكم ده الحكم نزل بعد
صلاح الحديبية في اواخر سنة ست - [01:18:58](#)

من الهجرة اما في اول الاسلام فكان مباحا ان يتزوج الكافر المسلمة في اول الاسلام ما كنش في اي مشكلة في الموضوع ده حتى

حرم الله عز وجل ذلك بعد صلح الحديبية في اواخر سنة ست - 01:19:25
وآاظننا نعلم علما يقينيا لا اشكال فيه ان النبي صلى الله عليه وسلم زوج ابا العاص بن الربيع ابنته زينب وكانت زينب وابو العاصي
ابن الربيع كان كافرا ابو العاص ده اسلم سنة تمانية هجرية - 01:19:48

سنة تمانية هجرية فلما كان زوج زينب كان كافرا وكانت زينب مسلمة وبقيت زينب المسلمة بنت النبي صلى الله عليه وسلم تحت
ابي العاص ابن الربيع الكافر الى وقعة بدر - 01:20:18

سنة اتنين هجرية فوقع ابو العاصي بن الربيع اسيرا في غزوة بدر فلما اذن بالفداء يعني تدفع مبلغ في مقابل ان انا اخلص لك الاسير
بتاعك وافرج عنه ارسلت زينب - 01:20:38

اسورة قلادة من الذهب القلادة دي كانت بتاعة خديجة رضي الله عنها لما زينب تزوجت قامت خديجة رضي الله عنها ادت القلادة دي
لبنتها وهي بتتجوز فزينب عايزه تخلص جوزها - 01:21:06

من الاسر فما فيش عندها غير القلادة بتاعة امها اول ما النبي عليه الصلاة والسلام شاف القلادة رق لها رقة شديدة. ما هي بتاعة مين
قالت خديجة اللي النبي عليه الصلاة والسلام - 01:21:27

قال فيها اني رزقت حبها اني رزقت حبها شاف القلادة فكرته خديجة فقال المسلمين انرأيتم ان تردو عليها القلادة وان يعني
تفرجوا لها عن اسيرها كان لكم ذلك. قالوا نعم يا رسول الله - 01:21:42

فلما اراد ان يفك اسر ابي الربيع ابن ابي العاص ابو الربيع بن العاص اشترط عليه كانت زينب فين في الوقت ده كانت في مكة يعني
كانت زوجة ابي العاص - 01:22:08

وفي بيت ابي العاص وما كنتش في المدينة لسه كانت مع جوزها يعني في مكة قال له انا سافك قيدك بشرط ترجع لي زينب ابعتها
لي فابو العاصي بن الربيع قال له ماشي - 01:22:33

فلما وصل ابو العاص الى مكة وكان ايه كافرا خلي بالك من الكلام كان كافرا اول ما راح مكة ارسل زينب بنت رسول الله صلى الله
عليه وسلم مع زيد بن حارثة - 01:22:55

يبقى حصل بقى انفصام وانفكاك ما بين زينب وبين زوجها سنة اتنين هجرية خلاص ابو العاصي بن الربيع كما قلت لكم اسلم سنة
تمانية هجرية يعني ظلت زينب مع النبي عليه الصلاة والسلام من سنة اتنين لسنة تمانية غابت عند النبي صلى الله عليه وسلم ست
سنين - 01:23:14

وزوجها في السنين دول كافر برضه فلما اسلم ابو العاصي ابن الربيع في سنة تمانية رد النبي صلى الله عليه وسلم زينب اليه
خلاص بقت هو مسلم وبقت هي مسلمة - 01:23:45

واشاد النبي صلى الله عليه وسلم بفعل ابي العاص بن الربيع في خطبة له بمناسبة ان علي بن ابي طالب رضي الله عنه اراد ان يتزوج
ابنة ابي جهل فطبعا فاطمة - 01:24:00

اتت لابيها وقالت ان عليا يريد ان ينكح ابنة آبي جهل النبي عليه الصلاة والسلام صعد المنبر وقال انبني هشام بن عمرو استاذنوني
ان ينكحوا عليا ابنتهم فلا اذن لهم - 01:24:21

ثم لا اذن لهم ثم لا اذن لهم الا ان يطلق علي ابنتي اما اني لا احل حراما ولا احرم حلالا لكن اخشى ان يفتئوا ابنتي والله لا تجتمع بنت
رسول الله - 01:24:45

صلى الله عليه وسلم وبنت عدو الله تحت سقف واحد ثم ذكر صهرا له منبني عبد بن شمس قال حدثني فصدقني ووعدني فوفى
لي. مين هو الصهر ده ابو العاصي ابن الربيع - 01:25:05

فالنبي عليه الصلاة والسلام نوه بفعل ابي العاص بن الربيع لما قال انا ساطلتك من الاسر نظير انك انت ترد علي زينب. فرد زينب عليه
فوفى له حدثني فصدقني ووعدني فوفى لي - 01:25:29

يبقى لما ييجي بقى المستشرق الامریکي او العقاد او من لف لفهمها ومشى على دربهما بلا اي نظر ولا تحقيق يقول لك ازاي بقى ابو بكر

الصديق ممکن يجوز عانشة المسلمة لواحد کافر وقد حرم الله عز وجل زواج المسلمة بالكافر الا ان يكون ذلك في الجاهلية. لا انا
بقول له ريح نفسك - 01:25:45

الكلام ده كان في اول الاسلام يجوز لل المسلمة ان تكون نكحة الكافر لحد او اخر سنة ست من الهجرة بعد صلح الحديبية بنص کلام الله
تبارك وتعالى الذي قال لهم حل لكم ولا هم يحلون لهم - 01:26:06

يبقى القصة كده كلها ضايعة من اولها لآخرها بقى بقى ان يقول لك طيب ازاي البنت التي لم تحض تتزوج ازاي يعني
وهي والاصل ان المرأة لا يجوز لها ان تتزوج الا في سن الزواج - 01:26:23

نقول لك الكلام ده جبته منين برضه من اين لك هذا ونحن عندنا اية في كتاب الله محكمة في هذا الموضوع لم تنسخ ولم يعني يأتي
نص مجمل عشان يبينها ولا الكلام ده خالص - 01:26:53

احنا عندنا احوال النساء فيما يتعلق بالطلاق والعدة على احياء او على انواع بسورة البقرة نزل حكم المرأة المطلقة التي هي تحت
زوجها اللي بتحيض يعني والمطلقات يتربصن بانفسهن ثلاثة قروء - 01:27:16

القرء يحيد يا طهر كوفيوني وبيقولوا حيض الحجازيون يقولون طهر لكن على اي حال هي امرأة حائض اما لو قلنا الحيض القرء
حيض يبقى تتربيص بنفسها تلات حيضات ازا قلنا القرب - 01:27:47

طهر يبقى يطلقها في طهر لم يمسها فيه على قول الكوفيين العدة هتكون اسرع على قول الحجازيين هتكون طويلة شوية ليه رجل
يطلاق امرأته في الحيض خلاص يبقى هتمر حيضة - 01:28:07

وادي الحيضة وبعدين حيضة وبعدين تتفك المرأة من زوجها لكن لو القرب طهر يبقى لو ان الرجل مس المرأة في طهر يبقى مش
هيتحاسب والحيضة الجاية مش هتتحسب وهنبايدي نعد من الطهر اللي جاي - 01:28:30

الذى لم الطهر الذي لم يمسها فيه يبقى شف احنا فوتنا ايه طهر مسها فيه وتأخذ لها واحد وعشرين يوم ويعدى حيض ما هو القرء
مش حيض بقى على قول الحجازيين - 01:28:50

ويعدى حيض وتبتدى في الطهر الجديد هنعد بقى طهر ثم حيض ثم طهر ثم حيض ثم طهر ثم طلاق فلو ان القرب حيض هتبقى
المدة قريبة بدت تتفك منه قريبة. لو القرء طهر هتقول المدة هتطول شوية - 01:29:04

لكن على اي حال الاية دي نزلت فين؟ في المرأة اللي ايه؟ اللي تحيض يعني جاء معاذ ابن ابي ابي كعب ان معاذ بن جبل سأل النبي
عليه الصلاة والسلام قال له يا رسول الله عرفنا بقى المرأة ليه؟ اللي بتحيض - 01:29:30

طب المرأة اليائسة بقى من الحيط اذا طلقها زوجها ما عدتها؟ طب البنت الصغيرة التي لم تحض اذا تزوجها رجل ما عدتها طب المرأة
الحامل اذا طلقها زوجها وهي حامل. ما عدتها؟ يبقى انا عندي تلات انواع عايزين حل لهم - 01:29:48

لهن يبقى بتاع سورة البقرة اية سورة البقرة الحكم الموجود في سورة البقرة خلاص يبقى فاضل تلات انواع عايزين لهم ايه حب فلما
سئل النبي صلى الله عليه وسلم ذلك نزل قوله تعالى - 01:30:16

واللائي يأسنا من المحيض من نسائلكم ان ارتبتم فعدتهان ثلاثة اشهر واللائي لم يحضرن وولادة الاحمال اجلهن ان يضعن حملهن فعرفنا
بقى ايه عدة المرأة اليائس اليائس اللي هي ايه - 01:30:33

المرأة الكبيرة عدت خمسة واربعين خمسين خمسة وخمسين ستين لأن فيه بعض النساء ممکن لحد خمسين سنة بحضور لحد خمسة
وخمسين سنة بحضور بعض النساء ممکن يصلوا ستين سنة ويحب حالات نادرة يعني بس موجودة - 01:30:55

طب المرأة اذا طلقها زوجها قد يأسست من الحيضة عدتها قد ايه؟ قال لك تلات شهر نص الاية اهو طب واللائي لم يحضرن. مين دول
بقى قال لك البنات الصغيرات - 01:31:12

اللي هم لسه ما جاش عليهم الحيط واحد يقول لي بس ممکن يدخل في اللائي لم يحضرن اللي محظوش من اصله مش شرط تكون
الصغيرة يعني في واحدة مسلا ببقي سنها - 01:31:28

خمسة عشرين سنة والحيض ما جالهاش خلاص هي دي مش ممکن تدخل في ولائي لم يحضر طبعاً جماهير العلماء حملوا واللائي

لم يحضرن على لي على الصغيرة التي لم تحضر اصلا - [01:31:47](#)

اللي هي دون سن الایه؟ البلوغ بس ده هيجي بجحش بقى يقول لك المرأة اذا لم تحضر من يوم ما اتولدت لم تحد لحد ما وصلت [01:32:05](#) عشرين سنة تلاتهين سنة -

ما هو ده تدخل في ولا ايه؟ واللائي لم يحضر هنقول له ممكنا دى تدخل في اللائي يأسنا من المحيض برضو ليه ما تدخلش ما هي [01:32:20](#) يائست خلاص عشرين سنة وعمالة تاخد دواء ومش عارف ايه والكلام ده والمحيض ما جاش من اصله. تبقى يائس من المحيض -

ممكنا قال لي برضو كده ما حلتتش الاشكال لان برضو دي داخلة في ايه دى داخلة في واللائي لم يحضر ايه اللي خلاك تدخل الصغيرة [01:32:38](#) فيها اقول له ان لفظة اللائي -

من الفاظ العموم احنا عندنا العموم له صيغة العموم له صيغة. منين ما تلاقى الصيغة تعرف ان النص عام من ضمن صيغ العموم الاسماء [01:32:54](#) الموصولة الذي والتي واللذان ولا تاني -

والذين واللائي فنلاقي هذا لفظ عام يشمل البنت الصغيرة سنتين واربع سنين والكلام ده ويشمل الحالة اللي انا افترضت ان [01:33:20](#) المعترض هيعرض علي فيه بقى بنص كلام الله عز وجل -

ينعقد الزواج من البنت التي لم تحضر اصلا اهو واللائي يأسن من المحيض من نسائكم ان ارتبتكم فعدتهن ثلاثة اشهر واللائي لم يحضر [01:33:47](#) عدتهن ثلاثة اشهر ايضا واحد عقد على بنت سنها اربع سنين -

وعايز يتفك منها او هي عايزه تتفك منه يقوم يقول لها انت طالق تعذر لان ربنا قال فعدتهن فهل هناك عدة او طلاق بغير زواج شفتم [01:34:16](#) في الدنيا حاجة زي كده -

لأ لا تكون عدة ولا يكون طلاق الا بعد عقد عشان كده المرأة المخطوبة ما عليهاش عدة والمرأة التي لم يدخل بها برضو ما عليهاش [01:34:44](#) عدة بس دى مش موضوعنا -

بتكلم عن الخطبة النهاردة واحد بيقدم ودي بتبقى عاملة مشاكل واحد يتقدم والله يا جماعة احنا عايزين نناسبكم خلاص والله احنا [01:35:06](#) انت احسن ناس واحنا كده نشرب بالنسب بتاعكم والكلام ده -

طيب تعالوا نتفرج على الالمونيا ونتفرج على الادوات المنزليه ونتفرج على المش عارف ايه والكلام ده وبتاع. اختصاص مرتين مع [01:35:21](#) بعضهم اولياء المرأة بيعتنوا للجماعة دول يقولوا لهم يا جماعة طلقوا البنت -

عايزين نتفك منكم ولا بيعتلي يقول لي والله ما فيش نصيب بيعتلي يقول له ما فيش نصيب لان ايه؟ اه كل دى اسمها مقدمات رضا بس ليس زواجا ليس زواجا. عشان كده لما مسلا يروح يجيبوا اوضة النوم والعفش ويجيبوا المطبخ ويجيبوا اللي مش عارف [01:35:37](#) ايه بس ده عند الكلام ده -

اللي عند الرجال والكلام ده عند السوت وبعددين يختص مع بعض يقول له سلام عليكم لا يقول له طلق بنتي ولا يقول لي اعمل حاجة [01:36:00](#) من دى كده. مما يدل على انه لم ينعقد نكاح اصلا. وان كان مقدمات النكاح كلها -

التي تدل على الرضا موجودة ببقى المرأة المخطوبة ما عليهاش عدة ازا لا يكون عدة الا بعد سواء العقد ده الرجل [01:36:14](#) دخل بالمرأة او لم يدخل ايه -

او لم يدخل بها لا يكون هناك عدة مناطق الا بعد فبيقى ازا لما الرسول عليه الصلة والسلام بقى نرجع بقى للحديث انه تزوج عائشة [01:36:29](#) وهي ابنة ست يعني عقد عليها -

وبنى بها وهي ابنة تسع هو ده اداء الدخول بقى كلمة تزود او نكح الذي ورد في بعض الایه؟ في بعض الروايات انه عقد عليها صلى [01:36:49](#) الله عليه وسلم والمترجم انها لم تكن حاضرة ابدا. وهي ابنة ست سنين -

لكنه لما وصلت الى سن التسع سنوات كانت حاضرة رضي الله عنها ده كلام واضح زي الشمس جت بقى قصة البلاد الحارة والبلاد [01:37:10](#) الباردة لان بعض العلماء لما واحد استصغر سن عائشة -

قال لك ما هو اصل البلد الحارة البنات بتتنضج بسرعة. البنت بتحيط في البلد الحارة اسرع من البلد الباردة الصافي ده قال ده كلام فارغ ودي سوء المفروض نغسل ايدينا منها. عار - 01:37:36

دلوتي سقب الاوزون طبعا هو ما قالش كده بس انا بوضح المذكرة التفسيرية بتاعتته يعني. ثقب الاوزون النهارده عمال يتسع والدنيا بقت حر عن الاول وما شفناش لا في المدارس في الخليج ولا في البلد الحارة في السودان والكلام ده ان في البنات تسع سنين بيحيضوا - 01:37:54

بل هم لسه بنات في ابتدائي والكلام ده وده كلام فارغ والطب لم يثبت ان الحدوة دي موجودة. انا باقول له الطب اثبت هذا ان البلد الحارة البنات بتتنضج فيها - 01:38:14

قبل البنات اللي في البلد الباردة وانت بتلاقي في البلد الباردة البنت بتوصل لالتناشر وتلتاشر وخمسة تناشر وسبعين تناشر سنة وما حضرت بعد والبنت ممكن في البلد الحارة توصل سبع سبعين وتحيط - 01:38:28

بس احنا لم نجعل هذا قانونا ما قلتش في البلد الحارة كل البنات اللي سنهem تسع سنين حاضروا حضنا لأ ما اقولش كده قلت بعض البنات حضن زي ما بعض البنات في البلد الباردة - 01:38:49

ممكن يحيضوا في سن تسع سنوات لكن هذا نادر في البلد الحارة تلاقيه ده اكتر شوية مش اكتر شوية يعني هنيجي نقسم البنات نصين نلاقي نصهم حاضر ونصهم الثاني ما حاططش لأ - 01:39:07

انا باقول منهن من يحضرن فعائشة رضي الله عنها من هذا الضرب احنا ناس فلاجين وبنشوف البنات في سنة تالتة ابتدائي وحيض عندنا في البلد وفي البلد اللي جنبنا تالتة ابتدائي ورابعة ابتدائي وحيض - 01:39:22

طب انا اروح بعيد ليه طب ما انا اقول لك على حاجة آآ الحادثة التي هزت مصر في العام الماضي حادثة اللي هزت مصر في العام الماضي وجات على بعض القنوات الفضائية - 01:39:46

لما واحد هاجر بنت اه فجر بنت اخته هو خالها يعني وجدت على قناة من قنوات فضائية وان البنت حملت وهي في سنة رابعة ابتدائي وجابت الولد وانا شفت الحلقة دي - 01:40:05

جابت وطبعا اكيد الملايينتابعوا المسألة دي جابت الولد ابنها وقعدت وقعدت تحكي القصة وطبعا انا لي اعتراض كبير جدا على افشاء المنكرات على قناة فضائية كده انت بتغري السفهاء يعملوا كده - 01:40:32

تغري السفهاء انهم يعملوا كده. ممكن واحد ما يخطرش على باله ابدا انه ممكن يعني يفجر بابنة اخيه او بابنة اخته انت فتحت عينيك ايه الفائد انك انت تجيب الفضيحة دي على قناة فضائية؟ ايه الفائد يعني؟ عايز تقول ايه؟ الدنيا مليانة شر؟ طب ما احنا عارفين مليانة شر - 01:40:51

عايز تقول ان زنا المحارم زاد ما هي المصلحة؟ يجيب لي واحدة متقطعة عشان تصورها لي وهي متقطعة والكلام ده. ما هي المصلحة ببرضو المفترض ان الجرائم في المجتمعات الفاضلة تخفي حتى لو كانت الجرائم موجودة - 01:41:11

يقوم يقع في اذهان الناس ان المجتمع فاضل. انت بتربع الناس ليه انت بتخوف الناس ليه كل ما تجيب جريمة وتجيب مش عارف ايه والكلام ده وتعرضه على الفضائيات عشان يشوفها الملايين. بيقى كل واحد ميت في جلده - 01:41:28

لأ المفترض مجلاتحوادث صفحاتحوادث في الجرائد. كل ده لابد ان يختفي. اذا كنا عايزين نقلل من معدل الجريمة بحسين ان انا كل ما افتح جريدة صحيفة كل ما افتح مجلة كل ما افتح قناة فضائية ما لاقيش هزا الزخم يقوم يقع في رواعي ويحصل عندي انطب - 01:41:42

باع ان الدنيا امان امشي والدنيا امان وانا هقول لك مسلا ايا ماما كان في الصعيد الجامعات الاسلامية فيها مواجهات مع الامن كان الامن الجماعي يقتلهم من الزباط والعساكر وهم يقتلوا من الشباب والكلام ده - 01:42:03

ففي اول الامر ازا الجماعة الشباب قتلوا زباط يعملوا له جنازة عسكرية واعلانات ويجبوا يصورو المش عارف ايه في الفضائيات والجرائد تعلن والكلام ده. حصل رعب ببعض الضباط كان بيفرض انه ينفz النقل - 01:42:24

يقول لك انا استقبل لكن ما اروحش الصعيد ليه هو انت لما كل يوم تطلع لي جنازة عسكرية وان فلان مات والكلام دهوت. هو العمر بعزة؟ لا انا مش هروح. مش عايز الوظيفة دي خالص - [01:42:43](#)

فلما منع النشر بقى في المسائل ديت كان بقى فيه مواجهات برضو ما بين الشباب وما بين الامن بس ما فيش حد فيينا كان حاسس بها وتصورنا ان القصة انتهت - [01:43:00](#)

تماما انا عايز افهم يعني لما احنا بينجي ده ده معلش حاشية طويلة كده بس انا باسجلها للامانة والنصيحة ان هذا هذه الفضائح اللي بتكون على القنوات الفضائية ما هو الهدف التربوي - [01:43:14](#)

اللي انت عايز توصله للمجتمع من خلال عرض جريمة بشعة زي زي واحد زنا بنت اخته ايه اللي انت عايز توصله يعني لكن القضية دي كانت قضية مثارة بنت في رابعة ابتدائي - [01:43:31](#)

خلفت طبعا مش هتختلف الا اما تكون حائط باختصار يعني الا تنزل عائشة رضي الله عنها في السن زي البنت دي ولا يعني آآ مسألة غريبة لا انا لما باقول ان البنت في البلاد الحارة - [01:43:49](#)

تحبض اكثر ده كلام علمي مش كلام دروشة ولا فتة. الكلام ده كلام علمي لكن ما قلتتش ان كل البنات في البلاد الحارة يحضن في هذه السن بل السن المعتمد للحبض فوق سن عشرة حداشر اتنasher - [01:44:07](#)

ده السن المعتمد بمسألة الحبض لكن ممكن تبقى قبل كده وممكن تتأخر عن بعد كده لا اللي بعد كده صار قانونا ولا اللي قبل كده صار قانونا. انما القرار او انما الطريق اللاحي بالمعروف هو سن من احداشر - [01:44:26](#)

اتناشر وتلتها في حدود هذه السن اغلب البنات بيحضنوا فلما يجي يستبعد مسألة زي ديت هذه مشكلة كبيرة آآ احنا عندنا مشكلة اتمنى ان تختفي وهي ايه ان العدو يهجم علينا - [01:44:42](#)

عشان اتخلص مما اظنه مع الله ام في النص الصحيح عندي يعني لما المستشفى الامريكي فتح الحدودة دي وبشع الصورة وانت نفسك لما تشوها كده يعني بينك وبين نفسك تحس برضو انها يعني ما نتاشر قادر تبلغها قوي - [01:45:05](#)

انا رجل سني مسلا ستين سنة مسلا اتجوزت بنت سنه خمستاشر سنة بيبني وبينها كم سنة خمسة واربعين يعني انا ولادي سواء كانت مراتي ماتت ولا اتجوزت عليها ولا الكلام ده ولادي اكبر من اللي انا هتجوزها - [01:45:28](#)

تقوم انت بينك وبين نفسك تقول يا اخي اختشي راجل ستين سنة اتجوز بنت خمستاشر سنة اصغر من عياله تقوم ايه ما نتاشر قادر تبلغها اوبي فلما الكلام ده عند الناس العاديين يعني - [01:45:54](#)

فلما يجي المستشرقين يعيروا ازاى اربعه وخمسين سنة يتجوز بنت سنه تسعة سنين فبرضو المسألة دي في المجتمع بتاعك مش مبلوحة قوي فانت تقول ازاى دي تنسب للنبي عليه الصلاة والسلام - [01:46:09](#)

فيقوم يحصل لك نوع من الغيرة فتقوم عايز تدافع ما نتاشر عارف تدافع الدفاع اللي انا بقوله ده. تقوم تقول ايه؟ ما حصلش هو انت لما تقول ما حصلش انت كده حلية المشكلة - [01:46:23](#)

لا ما حلتش المشكلة انت عارف من كم شهر كده وقع بعض الناس في نفس المطب في واحد كافر كده على قناه فضائية شغله يشتم النبي عليه الصلاة والسلام ما لوش شغلانة غير كده - [01:46:36](#)

هو مش عايز مش عايزك انت كمسلم تبقى على الملة بتاعتته ابدا لأن اللي عايز واحد ينتقل من ملته ليقوم يتدخل وآخذ بالك ازاى ويقعد بقى بالراحة ومش عارف ايه وبعدين ما يديش مهاجم - [01:46:58](#)

بالذات المسلمين يعني ما فيش مسلم يتنصر ببساطة يعني ولا ممكن يبقى يهودي اي حد من دول ممكن لكن المسلم لأ صعب جدا جدا جدا انه يتنصر واحد يقعد يلعب معه ومش عارف ايه يقول له كذا - [01:47:20](#)

لكن اللي عايزه يتنصر عمره ما هيقول له الاسلام وحش ونبي الاسلام صفتة كذا ونعته كذا ليه؟ هيستنفره اول ما يستنفرها يبقى راح الزبون. لا انا مش عايزه يطلع يطير. فاقوم اسيب خالص البتاع وانتم ناس برضه كويسيين وقال عمر بن الخطاب وقال ابو بكر الصديق وقال النبي - [01:47:38](#)

على النبي يا عم عليه الصلاة والسلام. كل شوية يا عم صل على النبي. عليه الصلاة والسلام. اقول يا اخي شف والله بيقول صل على النبي. ها؟ بيتدى القصة ماشية كده. وبعدين ابتدى اتدخلب به واحده واحدة - 01:47:55

واحدة واحدة ولا حد ما ايه ما اطلع به برة وبعدين في الاخر برضه ممك ما يجيشه معك. بعد كل القصة دي زي ما حصل في اندونيسيا مرة في قصة التنصير والكلام ده - 01:48:06

|| استطاعوا بالقرشين والبتابع وانت عارف في فقر مدقع عالم عايشين تحت خط الفقر والكلام المهم آسنة كاملة يعلوهم بقى الانجيل والبتابع والاب قال مش عارف ايه والكلام ده - 01:48:18
وبعدين بعد ما زنوا انهم وصلوا الى يعني حاجة مرموقة الكلام ده وخطوا خطوات واسعة في انهم يتصلوا الحدوة دي جابوا لهم بقى ايه الرقص الكبيرة بقى عشان يقعد معهم يهنيهم ويعني يقول لهم بقى انتم كده وصلتم وبعدين ايه اللي نفسكم فيه قولوه بقى - 01:48:32

فوهم قاعدين كلهم المسلمين قاعدين بعد ما ايه عمالين يحفزوهم وكده فالراجل بيقول لهم بقولوا لي بقى ايه اقصى امنية تتمنوها بقى قالوا له نفسنا نجح طبعاً اسقط في ايديهم نجح ايه - 01:48:50
ازاي المسلم مسألة يسيب دينه دي مسألة في غاية الصعوبة. في غاية الصعوبة واقرءوا الاحصائيات كم مسلم ممك يكون سابت دينه لاي ملة تانية ممك بيقى مسلم ويفتخر باسلامه وملحد - 01:49:08
علماني ولا واحد من العالم دول بس يقول لك انا مسلم. الحمد لله مسلم موحد بالله. اشهد ان لا الله الا الله محمد رسول الله وينقض الشهادة سواء كانت شهادة لا الله الا الله وان محمد رسول الله ينقضها بس يقول لك انا مسلم برضو - 01:49:26
يقول لك القرآن ده كلام يعني لابد ان يخضع لمقاييس البشر ولابد ان يخضع للنقد ومش عارف ايه والكلام ده واشهد ان لا الله وان محمد رسول الله - 01:49:40

برضو يعني ما ما يتخلصش من دينه عايز اقول الكافر ده اللي عمال يسب النبي عمل حلقة اسمها واعوز بالله انا ما يعني قوض فيها كلها لكن هقول لك اسم الحلقة ايه - 01:49:50

اوكت بتدور عليه اسمها الشذوذ الجنسي عند النبي محمد واعوز بالله وناقل الكفر ليس بكافر بذوذ الجنس عند النبي هو زي ما قلت لك مش عايزك هو عايز يحرق دمك بس - 01:50:08
مش عايزك انت هي عمل بك ايه يحرق دمك بس اه يقول لك احنا عندنا ادلة من السنة على هذا الموضوع ايه الموضوع قال لك صاحب مسلم ها هو دلوقتي كانوا زمان - 01:50:34

ما يعرفش يعني ايه صحيح مسلم ما يعرفش يفتح كتاب من كتب الاسلام. دلوقتي بقى النت والاقراص المدمجة وتضغط بزر كده يجي لك اللي نفسك فيه وفي انهي كتاب بيجيبوا الكلام ده بالنظام ده - 01:50:56
قبل كده ما كانش يعرف يصل ابدا ولو شق نصفين قال لك في صحيح مسلم بان احاديث جابر ابن سمرة آآ ان النبي صلى الله عليه وسلم آآ تلقاهم فكان يمسح خدهم واحدا واحدا - 01:51:14

بيمسح خده ليه بقى ان شاء الله ها تحسس على خده زاهر رضي الله عنه آآ كان دميم الوجه حديث صحيح كان دميم الوجه وبعدين زاهر ده كان في الباردة - 01:51:28

صحابي اسمه زاهد فكان لما يروح المدينة كان ياخذ بقى من خيرات الباردة للمدينة زي ما اي واحد من الفلاحين مسلا ياخذ شوية سمنة ياخذ شوية جبنة مش عارف ايه لواحد في المدينة وكده يعني - 01:51:47

النبي عليه الصلاة والسلام آآ زاهر كان في المدينة مرة في السوق يعني فالنبي عليه الصلاة والسلام شافه فقام لافف من وراه وجاي من ورا كده وايه ومغفل له عينيه - 01:51:59

فزاهر اول ما ما حس باليد دي طبعاً يد النبي صلى الله عليه وسلم كما قال انس بن مالك ما مسست ديباجا ولا حريرا اليه من كف رسول الله - 01:52:16

صلى الله عليه وسلم ولا مسست يدا اعطر من يد رسول الله لأنها خرجت من جؤنة عطاركت في مسك كده وطلعت وكانوا يعرفوا النبي صلى الله عليه وسلم مشي بالسكة دي من العطر اللي مالي الطريق - 01:52:28

لسة ماشي دلوقيتي اهو فالهمم النبي صلى الله عليه وسلم نجاله بقى وغمام آآيه ده فجعل النبي صلى الله عليه وسلم يقول من يشتري هذا العبد يمزح معنـي يعني - 01:52:43

فـلما عـلم زـاهـرـاـهـ الرـسـولـ صـلـىـ اللـهـ عـلـيـهـ وـلـمـ فـجـعـلـ لـاـ يـأـلـوـ يـلـصـقـ ظـهـرـهـ بـبـطـنـ النـبـيـ وـالـنـبـيـ صـلـىـ اللـهـ عـلـيـهـ وـلـمـ يـقـولـ مـنـ يـشـتـريـ هـذـاـ عـبـدـ فـيـقـولـ يـاـ رـسـولـ اللـهـ اذاـ 01:52:57

تجـدـنيـ كـاسـدـاـ لـوـ بـعـتـنـيـ مـاـ اـسـوـشـتـ طـرـبـتـ تـجـدـنـيـ كـاسـدـةـ قـالـ لـهـ لـاـ وـلـكـنـكـ عـنـدـ اللـهـ رـبـيـحـ اـيـهـ المـوـضـعـ يـعـنـيـ قـالـ لـكـ بـيـلـزـقـ ضـهـرـهـ فـيـ بـطـنـ النـبـيـ لـيـهـ يـقـومـ يـجـيـ وـاحـدـ يـقـولـ لـكـ الـكـلـامـ دـهـ مـاـ حـصـلـشـ الحـدـيـسـ ضـعـيفـ 01:53:15

هـوـ اـنـتـ مـشـ عـارـفـ تـوـجـهـ الـحـدـيـسـ تـوـجـيـهـاـ صـحـيـحاـ حـدـيـثـ اـرـدـافـ النـبـيـ عـلـيـهـ الـصـلـاـةـ وـالـسـلـامـ يـرـكـبـ عـلـىـ الدـاـبـةـ وـوـاحـدـ يـرـكـبـ وـرـاهـ اـتـكـلـمـ فـيـ اـرـدـافـ النـبـيـ عـلـيـهـ الـصـلـاـةـ وـالـسـلـامـ طـبـ دـهـ رـاكـبـ 01:53:44

الـنـبـيـ صـلـىـ اللـهـ عـلـيـهـ وـلـمـ رـاكـبـ وـدـهـ رـاكـبـ وـرـاهـ لـيـهـ طـفـلـ قـلـةـ الـادـبـ وـقـلـةـ الـحـيـاءـ دـهـ يـبـيـجـيـ مـسـلـمـ بـقـىـ لـاـ عـارـفـ الـكـوـعـ مـنـ وـلـاـ عـارـفـ الـاـلـفـ مـنـ كـوـزـ الـدـرـةـ وـلـاـ الـكـلـامـ دـهـ يـقـولـ لـكـ لـاـ لـاـ الـاـحـادـيـسـ دـيـ كـلـهـ ضـعـيفـ 01:54:00

عـاـيـزـ دـهـ مـشـ صـحـيـحةـ هـوـ كـلـ مـاـ يـجـيـ وـاحـدـ يـهـجـمـ عـلـىـ اـصـلـ اـصـلـونـاـ حـدـيـثـ مـنـ حـدـيـثـنـاـ اـقـلـمـ اـتـخـلـصـ مـنـ كـدـهـ بـيـسـاطـةـ وـقـلـنـاـ مـاـ حـصـلـشـ مـاـ عـنـدـنـاـشـ لـاـ 01:54:16

لـابـدـ اـنـ تـعـلـمـ اـنـ جـهـازـ الـاـسـتـشـرـاقـ لـمـ يـقـمـ لـخـدـمـةـ الـا~لـاسـلـامـ وـالـمـسـلـمـينـ لـاـنـهـ اـعـدـاؤـنـاـ وـخـصـوـمـنـاـ وـلـوـ كـانـ دـيـنـنـاـ يـعـجـبـهـمـ لـاـسـلـمـوـاـ لـكـنـ هـذـاـ

الـجـهاـزـ قـامـ كـلـهـ لـلـتـشـكـيـكـ فـيـ عـلـوـمـ الـا~ل~اس~ل~ام~ وـهـيـ قـصـةـ كـبـيرـةـ حـدـثـتـ بـعـدـ سـقـوـطـ الـقـسـطـنـطـيـنـيـةـ وـدـخـولـ مـحـمـدـ الـفـاتـحـ 01:54:29

لـمـ حـصـلـتـ القـصـةـ دـيـ وـكـنـيـسـتـ اـيـةـ صـوـفـيـاـ آـتـحـولـتـ اـلـىـ مـسـجـدـ دـوـتـ الـمـسـيـحـيـةـ الشـمـالـيـةـ فـيـ اـورـوبـاـ وـبـدـأـ الـا~م~ر~اء~ يـجـتـمـعـ مـعـ الـرـهـبـاـنـ

وـعـايـزـينـ يـفـهـمـوـاـ الـجـوابـ عـنـ سـؤـالـ وـاحـدـ الـمـسـلـمـونـ مـاـ سـرـ قـوـتـهـمـ 01:54:57

مـاـ سـرـ انـهـ بـرـغـمـ ضـعـفـهـمـ وـبـرـغـمـ اـسـتـيـلـاءـنـاـ عـلـيـهـمـ وـبـرـغـمـ الـهـزـائـمـ الـعـسـكـرـيـةـ التـيـ مـنـوـاـ بـهـاـ لـاـ انـهـ بـسـرـعـةـ بـيـتـجـمـعـوـاـ وـفـجـأـةـ يـخـرـجـ هـذـاـ

الـا~ل~اس~ل~ام~ كـمـارـد~ مـن~ قـمـق~ قـوـلـنـا~ مـا~ سـر~ حـيـاة~ هـذـه~ الـا~م~ة~ 01:55:23

تـبـعـ الـرـهـبـاـنـ وـكـلـ وـاحـدـ قـاعـدـ يـتـدـبـرـ وـاتـقـقـتـ كـلـمـتـهـمـ جـمـيـعـاـ عـلـىـ اـنـ مـاـ يـمـيـزـ هـذـهـ الـا~م~ة~ عـنـ سـائـرـ الـا~م~م~ الـعـلـم~ وـانـ هـذـهـ الـا~م~ة~ قـدـمـتـ كـتـابـ

رـبـهاـ تـبـارـكـ وـتـعـالـىـ وـسـنـةـ نـبـيـهـاـ صـلـىـ اللـهـ عـلـيـهـ وـلـمـ 01:55:46

بـمـ لـمـ تـفـعـلـهـ الـا~م~م~ وـلـا~ عـشـر~ مـعـشـار~ مـا~ فـعـلـتـهـ الـا~م~م~ جـمـيـعـا~ يـساـوـي~ مـا~ فـعـلـهـ الـمـسـلـمـون~ مـا~ فـعـلـهـ مـعـشـار~ مـا~ فـعـلـهـ الـمـسـلـمـون~

يـساـوـي~ مـا~ فـعـلـهـ مـا~ فـعـلـتـهـ كـلـ الـا~m~م~ لـدـيـنـهـا~ 01:56:10

بـحـيـثـ انـكـ لـوـ وـضـعـتـ كـتـابـاـ بـجـنـبـ كـتـابـ منـ تـرـاثـ الـمـسـلـمـينـ رـبـماـ غـطـىـ الـكـرـةـ الـا~r~اض~يـةـ كـلـ دـهـ لـضـبـطـ كـلـمـ اللـهـ وـرـسـولـهـ بـشـتـىـ انـوـاعـ

الـلـوـمـ بـالـنـحـوـ وـالـصـرـفـ وـالـبـلـاغـةـ التـفـسـيرـ وـالـاـصـوـلـ الـفـقـهـ وـاـصـوـلـ الـحـدـيـثـ 01:56:26

كـلـ الـلـوـمـ وـظـفـوـهـاـ كـتـابـ اللـهـ سـبـحـانـهـ وـتـعـالـىـ وـخـدـمـةـ سـنـةـ النـبـيـ صـلـىـ اللـهـ عـلـيـهـ وـلـمـ قـالـ لـكـ يـعـنـيـ هوـ دـهـ سـرـ حـيـاةـ هـذـهـ الـا~m~ة~

نعمـ؟ـ قـالـ لـهـ خـلاـصـ يـبـقـىـ نـلـعـبـ لـهـمـ فـيـ الـعـلـمـ 01:56:47

طـبـ اـزـايـ نـلـعـبـ لـهـمـ فـيـ الـعـلـمـ قـالـ لـكـ نـعـمـ جـهـازـ الـا~s~ت~ش~ر~اق~ قـامـ جـهـازـ الـا~s~ت~ش~ر~اق~ لـاجـلـ هـذـهـ الـمـهـمـةـ يـجـيـبـ الـكـتـابـ يـتصـيدـ فـيـ اـخـطـاءـ

مـعـيـنـةـ لـاـنـهـ اـعـجمـيـ اـعـجمـيـ الـقـلـبـ اـعـجمـيـ الـلـسـانـ فـاهـمـ حاجـةـ 01:57:03

فـيـبـيـجيـ يـعـمـلـ اـعـتـرـاضـاتـ وـاـسـتـفـادـوـاـ مـنـ الاـشـكـالـاتـ فـيـ النـصـوصـ فـعـلـاـ لـكـنـ عـلـمـاـؤـنـاـ هـمـ الـذـيـنـ اـظـهـرـوـاـ الاـسـتـشـكـالـاتـ وـهـمـ الـذـيـنـ حـلـوـهـاـ

يـعـنـيـ بـعـضـ النـاسـ النـهـارـدـهـ الـلـيـ بـيـتـكـلـمـ فـيـ مـسـأـلـةـ مـسـلـاـ سـحـرـ النـبـيـ عـلـيـهـ الـصـلـاـةـ وـالـسـلـامـ 01:57:23

يـقـولـ لـكـ لـاـ مـاـ حـصـلـشـ بـرـضـوـ الـكـاتـبـ الصـحـفـيـ الـلـيـ اـحـنـاـ بـنـرـدـ عـلـيـهـ دـهـ فـيـ العـدـدـ التـانـيـ يـقـولـ لـكـ مـسـلـسلـ تـحـقـيرـ اـهـانـةـ تـحـقـيرـ الـمـرـأـةـ

وـاهـانـتـهـاـ حـدـيـثـ يـقـطـعـ الـصـلـاـةـ الـمـرـأـةـ وـالـكـلـبـ وـالـكـلـبـ الـا~s~س~و~د~ وـالـحـمـار~ 01:57:43

قـالـ لـكـ دـهـ مـسـلـسلـ تـحـقـيرـ للـمـرـأـةـ اـنـ يـحـطـ الـمـرـأـةـ جـنـبـ الـحـمـارـ دـهـ باـطـلـ وـالـعـدـدـ الـا~x~خ~يـرـ يـقـولـ لـكـ اـنـ قـصـةـ اـنـ النـبـيـ صـلـىـ اللـهـ عـلـيـهـ وـلـمـ

مات بالسم السم سم اليهودية. ان القصة باطلة ورواية البخاري منقطعة الاسناد منكرة المتن - [01:57:59](#)
وعمال يخبط في الحل وفاكر نفسه يعني فهم كويس قوي وفهم ان فيه حاجة اسمها معلق وفيها حاجة اسمها آمنقطع وفيه حاجة [01:58:20](#)

الخيانة التي وقع فيها. هو اشكاله انه واقف قدام القطر. مش انا القطر طبعا انما وقف امام علماء الحديث ده دي مشكلته ان هو شدي علما لا ملكة له فيه. فعمال يخبط - [01:58:32](#)

وانا اجيب لك بقى اقرأ لك بقى من النصوص عشان اعرفك انا ممكن اقول من دماغي وكل حاجة وهو عايز يراجع يراجع. اي واحد عايز يراجع لكن ممكن اجيب لك النصوص واقرأ لك ومن الكتاب اعين لك من جزء الصفح. عشان تعرف - [01:58:50](#)
القصة ماشية ازاي فهو جهاز الاستشراف ده للمستشرق ده واحد حقود عليك يعلم ان العلم هو الذي رفعك وهو الذي ابقى الامة الى الان فينظر بغير العين التي تنظر انت بها - [01:59:05](#)

يوم ما الحافظ ابن حجر العسقلاني مثلا بيجي يقول لك بحديث رواه البخاري ان هذا النص فيه اشكال الاشكال ده انه يعارض الحديث الفلانى ويبتدىء الحافظ ابن حجر يوفق ما بين الحديثين - [01:59:27](#)

توفيق الحافظ ابن حجر ما بين نصين ظاهرهما الاشكال يختلف عن نظرة حاقد لا يدين بيدين لهدا الاشكال عظم حجر بيحل اشكال بيحله بجد وهو يعلم قدر للسنة ويعلم قدر الرواة الذين نقلوا هذه الروايات - [01:59:49](#)

واعلموا ان هذا النص صحيح والنص ده كمان صحيح فيبيقوم يوفى توفيق العالم المسلم لكن المستشرق حاقد وبيغي الفساد في العلوم لكن ماشي بطريقة ذكية جدا لا تهيجك مطلقا بل يظهر وانه لابس مسوح العلم - [02:00:11](#)

وانه عنده موضوعية في في البحث وانه يقول لك وعنده حق في كذا عشان يضرب المرحلة الجاية يظهر ان يقول لك ده كلام معقول وده كلام كويس والكلام ده. زي ما اي حد مسلا - [02:00:33](#)

يكون لا يدين بيدين. يقول لك والله انا تعجبني مقالة لعمر بن الخطاب رضي الله عنه يقول كذا وكذا وكذا. الجماعة يقولوا يا سلام شف يا اخي حتى لا يدين - [02:00:46](#)

ويقول لك قال ابو بكر قال رسول الله صلي الله عليه وسلم تقوم انت ايه؟ تقول والله يا اخي بيتكلموا عنى حلو اهو ومش عارف ايه والكلام ده - [02:00:56](#)

وانت ما تعرفش هو عايز يوصل ايه للمرحلة اللي بعديها فجهاز الاستشراف كله قائمه على اثاره الشبه بهدوء بالغ بحيس ان انت لما تكون بلعت الطعم بتاع الدراسات العلمية المتجردة اللي دخلت في جامعاتنا - [02:01:06](#)

ممكן تدخل وتوافق هذا المستشرق على الافساد في علومك وعلوم بيدين باسم الحياد العلمي واسم البحث العلمي هذا مكمن الخطير في المسألة لكننا اذا اردنا ان احنا نتناقش لابد ان ننطلق من ارضية واحدة - [02:01:27](#)

علماء المسلمين وضعوا اصولا لابد من اتباعها والا مهما تكلمنا في الفروع فلن تنضبط الفروع ولن نتفق النهاردة انا لو عندي عود عود اهو النضارة دي انا لما اجي اقف في الشمس - [02:01:48](#)

واعمل كده الضل بتاع النضارة بيطلع ايه بيطلع مستقيم ولا بيطلع زيها طبعا انت معك عود اعوج ايه ده اول ما توقفه كده في الشمس الضل يبقى زيده - [02:02:12](#)

لو احنا حبينا نتكلم في الفروع زي زي كده سن عائشة او سحر النبي صلي الله عليه وسلم او او الى اخره. سائر القضايا المختلف فيها. دي اسمها فروع لو انا حاولت العود اعوج او حاولت اعدل الضل ده - [02:02:31](#)

لا على الارض ممكן اعدله لأ ما اعرفش اعدله اعدله امتى يوم ما يستقيم العود عشان كده العلماء علماء علماونا في باب المناظرات لما واحد يغلط تأصيل يقولوا له ايه - [02:02:47](#)

يقولوا له لا يستقيم الفضل والعود اعوج اعدل الاصل الفروع كلها تنضبط تبعا لانضباط الاصل لكن انا مش هسيب الاصل اعوج واجي على الفروع احاول ان انا اضبطها ما تجيشه معنی عن - [02:03:08](#)

هنعمل بعضا وهنشتم بعضا وحنف لبعضا وفي الآخر لن تنضبط الفروع ولن نتفق. يبقى خلينا مع الاصول قبل ما نتكلم في الفروع للابدا: نضبط الاوصوا. احنا عندنا اذا اردنا ان اتكلم فـ قضابا - 02:03:29

كهذه القضايا في قضية بهذه القضايا او ما يشبهها عندنا علماني اساسيا تلأت علوم مش علمين اثنين بس العلم الاولاني علم اصول الحديث العلم التالى . علم احصا . الفقه العلم التالت - 02:03:47

علم اصول العربية التي نزل بها القرآن وتكلم بها رسول الله صلى الله عليه وسلم علم اصول العربية بيضرب بسهم كبير في علم اصول الفقه فالنهاية هنا هتكلم على اصول الحديث واصول الفقه - 02:04:12

هـما كجناحي الطائر لا يستقيم طيران الطائر الا بقوة الجناحين معا طالما المسألة مسألة مرويات وانا اعلم ان مرويات نقلت اليينا عن طريقة رواة فقد وضع علماؤنا قواعد متينة تسمى بعلم الحديث - 02:04:30

يبقى لابد من دراسة هذه هذا العلم دراسة متينة واننا لا نخالف العلماء الذين وضعوا هذه الاصول ممكناً اخالف في جزئية ما اقول انا
لـ اعتراض على الجزئية دـ اخذ انا وانت فيها - 02:04:58

ناقش انت هتجيب امثلة يبقى امثلة لحد ما تنضبط المسألة بروح اخوية طالما ان احنا هنطلع من ايها؟ من ارضية واحدة لكن سبنا
الاصوات، شغالين: فـ الفروع هنتخانة، بس فيه بعضنا بعضا - 02:05:17

ويشتم بعضاً ويحتقر بعضاً لأننا بقوله اي واحد عايز نتناقش في اي قضية نتكلم بما تواضع عليه أهل العلم. عايز تختلف الأصوات. لا هضمنها لها العلم ما لناش. كلام معك - 02:05:36

ليه اللي مش هنوصل خلاص اختلفنا في الاصل بيقى خلاص الفرع خلاص انتهت قصته علم الحديث علم متراحمي الاطراف واسع جدا
واء علم اهلا الخامة قهات يحتاج اليه ملائكة وبحتاج اليه وقت - 02:05:52

علشان تقدر تهضم عشان تقدر تتأمل بدل ما عندك مثال يبقى عندك عشرات الامثلة على القاعدة النهاردة لما العلماء بيتناقشوا في
شط البخار وسلام ايهما اقرب وابهما اول وها مسلم - 02:06:16

رحمة الله عليه الذي نص على شرطه كان محقا ولى البخاري الذي استنبطا شرطه كان كانوا محقين في هذا الاستنباط تدخل في القضية ٢٠٦١٣ ان تضطرهما الى انتزاع علما صحيحة المسنة - 02:06:38

في القبول والرد مباحث الاتصال والانقطاع داخلة دخولا اوليا في القصة دي وهي من اعوص الابحاث مش انك انت تروح تقرأ لي كتاباتي فكـرت الخطـ في المـ الصحـاجـ معـرـفـتـ اـنـمـ تـفـتـحـ الـكتـبـ مـقـتـبـ عـشـانـ تنـطـاحـ الـاخـارـهـ - 02:06:54

معلش وابن الابون اذا ما لز في قرن لم يستطع صولة البن القناعيسي كما قال جرير بن عطية ابن الابون اللي لسه بيرضع ابن العجا رعن ابي سعيد خدري - 02:07:14

وابن اللبناني اذا ما لز في قرن زي العربية انت عارف العربية الكارو اللي الحصان بيجرها ساعات تلاقي عربيه كارو بيجرها حصان
02:07:29 - حـ الـعـدـة - فـ قـرنـ اـقـتـلـنـ هـمـ الـلـاتـ

وابن البابوني اذا ما لز في قرن لم يستطع صولة البزل القناعي البازل الكامل الكامل يعني الاثنين ما يبقوش زي بعض فرحم الله رجالاً في قرني نغير العالم في الثمانينيات والثمانينيات

اللي يجي يقول لك البخاري ده ما بيفهمش وعمالين تقدسوه للبخاري وعمالين تقولوا ايه للبخاري؟ لا لا يتعاقب لا دا هجيبيه

البخاري ده حاول كثيرون يدخلوا عليه من سنوات طويلة من قرون المبتدعة نفسهم حاولوا يدخلوا على البخاري ظل البخاري كما هو

الامة كلها تحافظ على هذا البناء الراشخ كالم، هو اذكى منهم وافضلها، منهم واعلم منهم راح الم، منزلة التاريخ

وبقي البخاري كما هو البخاري فانا عايز اقول - 02:09:17

اي واحد يريد ان يخرج حميدا لا يتعرض للكبار دارقطني رحمة الله والدرى القطن ده قصة كبيرة في علم الحديث انا عايز واحد من الجماعة المتطفلين على العلم دول يروح يجيب علل الدارقطن ويقرأ بس اول يقرأ اول حديث في علل دركه - 02:09:40
حديث شيبتنى هود وآخواتها عايزه يقرأ بس يقرأ مجرد قرابة انا عارف ان دماغه هيلف الدارقطني رحمة الله املى هذا الكتاب من حفظه دماغه وكان يقول يا اهل بغداد - 02:10:07

لا يطمعن احدكم ان يكذب على رسول الله صلى الله عليه وسلم وانا حي لكثرة محفوظه ما فيشبني ادم يجيب حدث الا اما اداره قطن يجيب له الطرق بتاعته والاسانيد ومن رواه ومن لم يرويه ومن فرواه ومن سرق الحديث كل القصة دي - 02:10:34
الدارقطن يجيبها وده راقود ده ميت سنة تلتلمية ستة وثمانين القرن الرابع يعني فلا ما يجي واحد علشان يدخل على علم الحديث كده لمجرد ان قرأ كتاب كتابين ولا المتابع - 02:10:55

ده مشكلة ده بيحطم نفسه بيفرق فانا بقول له يدرس الاول العلم ويعترض انه جاهل لان المريض اذا لم يعترض انه مريض لا ينفعه طب الطبيب الا وهو وعي الطبيب يقول له انت عيان والاشعة بتقول كده يقول له ده انا سليم ساغ وما تكلمنيش - 02:11:11
انا عفريت بتنطط اهوت وكوييس والكلام ده. انتم كلكم غلطانيين والاشعة غلطانة والاجهزه غلطانة والكلام ده ممكن ياخذ الدواء طبعا ده مش هيأخذ الدواء امتي ياخذ الدواء اذا اعترض انه مريض؟ فانا بقول لاي واحد من هؤلاء مش عيب انك تقول انا جاهل - 02:11:32

مش عيب تقول عايز اتعلم تيجي ندىك نقول لك رح العالم الفلانى العالم الفلانى قصة العلم الفلانى يا بنى ابرك واجس برک ربکتیک تحت قدميك لحد ما تتعلم العلم والادب - 02:11:48

وتطلع من عالم تروح لعالم وتطلع من عالم تروح لعالم تجمع العلم من اطرافه ساعتها بقى لما تيجي تتكلم فيعرف الناس قدرك لما تيجي تتكلم لكن ما عندوش علم يقدر يخبط - 02:12:02

ويترزع البخاري ايه ومسلم ايه ومش عارفين وهاتوه لي وانا بزره وانا اعمل له مش عارف ايه الكلام ده بقى الخراب المستعجل والسمعة السيئة التي يخالفها المرء لنفسه علم الحديث علم تصحيح الرواية - 02:12:19

بعد ما قبل ما تنذر في المعنى خالص ولا في المتن خالص لازم علم الحديث يشتغل اذا اسبت ان الكلام صحيح نبتدى الخطوة الثانية في علم اصول الفقه وعلى علم اصول الفقه علم عويس جدا متشعب الاطراف للغاية - 02:12:34
لان دلالات النصوص كثيرة وضبط الاصل الواحد فيه اختلافات كثيرة حتى في التعريف نفسها يعني لما تيجي تقرأ القياس تقرأ بس في علة القياس بس لوحدها دماغك يلف وممكن تيأس من نفسك - 02:12:55

انك انت ممكن تفهم حاجة ان ممكن توصل لحاجة قبل ان تموت ده ده علم فهم النصوص علم اصول الفقه. يبقى عندك ده وعندي ده تدرس ده وتدرس ده. لكن عمال تقرأ لي مختصر هنا ومحضر هنا وجاي عايز تبارز العلماء الكبار - 02:13:15
لا انت الجاني على نفسك حينئذ حقيقة اه نحن في محنة كبيرة جدا لابد للمؤسسة الرسمية ان تتدخل لان دي فوضى ما لها اخر لابد لها من درة عمر اللي يمشي بالزوق يمشي - 02:13:33

ما يمشيش بالزوق ويعرف قوانين اهل العلم هذا لابد ان يعاقب النهاردة آآ الواقعه المشهورة اللي كانت زمان الدكتور احمد شفيق كان استاز لجراحة الجهاز الهضمي في طب القصر العيني - 02:13:52

وده رجل كما اعرف انا يعني انه كان رجل محترم وكان له له تقل علمي وابحثوا في المجالات العلمية معروفة ومعتبرة والكلام ده.
اول ما حب يخترع دور وبعدين مشي في فترة طويلة يجرب الدواء ومش عارف ايه والكلام ده - 02:14:05

بدأ يجرب الدواء على المرضى بتوعه بدون ما يمرروا على وزارة الصحة بدون ما يأخذ ترخيص بدون ما يبقى فيه نوع من الدراسات على المتابع والكلام ده اغلقوا له العيادة - 02:14:21

واوقفوه من التدريس وقدموه للمحاكمة ومع ذلك لم يهولهم لا المنصب العلمي بتاعه ولم يهله من الابحاث العلمية بتاعته ولم يهولهم

الوظائف ولا انه محترم في الاوساط الطبية برة وقال له هو آآ هي الناس آآ صحة الناس لعبه؟ تختروع لي دوت تجربه لي على المش عارف ايه وتعمل ايه وتخلية ايه - 02:14:32

انا عايز القصة دي تتكرر بالنسبة للمؤسسة الاسلامية مع هؤلاء الذين يطعنون يوميا على ديننا. ما فيش لا رقيب ولا حسيب حرس الحدود غايب عن المصادر الاصلية المسألة اذا مثبته بهذا بدون ما يحصل نوع من البت في في المسألة دي والله العظيم - 02:14:57

ده الخراب المستعجل هلاك الديار لا يكون الا بهذا اذا سقطت المصادر الاصلية التي هي ديننا على الحقيقة لو لو العدو اخذ ارضنا شبرا شبرا واحتل ارضنا عسكريا وسرانا وصرنا عبيدا عنده هذا برغم جسامته ومصبيته اخف من ان المصادر الاصلية تسقط - 02:15:17
هو ده زي ما قلت لك خراب الدنيا والدين الى متى هذه الفوضى الى متى لا تتدخل المؤسسة الرسمية وتوقف هؤلاء عند حدتهم بدل ما احنا عمالين نناحي عمالين نرجع من اول السطر تاني كل ما نمشي خطوة قدام عشان نعلم الناس ما لم يعلمه من دين الله عز وجل. الجماعة دول يرجعونا لورا - 02:15:43

ارجع لورا لخط الدفاع الاول مرة تانية عشان اتكلم في مسائل مستقرة عند علماء المسلمين الف وربع ميل سنة ما فيش اطلاقا اي خلاف بين علماء المسلمين فيها لا اثار الخلاف فيها ويضيعوا ساعتين مسلا ونص انا عمال اتكلم اهو وانا حف مسألة فرعية اهي - 02:16:04

ولسه قدامي انا لو عايز ارد على هؤلاء اللي بيتكلموا في الجرائد والمجالات انا هاغيب عمري كله ارد اما بجرة قلم جرة قلم تريحنا من هذا العناي غير المتخصص ما يتكلمش - 02:16:24

انا بقول اهو انا بتتكلم عن نفسي اعملوه الامتحان قولوا لي انت لا تصلح ان تتكلم في العلوم الشرعية امتحنوني اذا انا فعلًا ثبت ابني لا يجوز لي ان اتكلم في العلوم الشرعية اقسم بالله ابني لن اتكلم بحرف واحد - 02:16:38
قالوا لي ان الكتب اللي انت بتألفها الكتب العلمية في علم الحديث وغيره. كله كلام فارغ. بس الكلام ده بالانصاف والعدل قالوا لي انت ما ينفعش تتكلم انا فعلًا ساكسر سن قلمي. واسكت - 02:16:56

بس عشان الفوضى تقف يبقى فيه نوع بقى من الرادع لهؤلاء اللي هم عمالين يثيروا الفوضى باسم حرية الكلمة. اول ما تيجي تمنع واحد من دول يقول لك اه حرية الكلمة وبتمنعوا المش عارف مين - 02:17:08

توقفوا مين والدنيا كلها برة يقول لك ازاى تسيبها سببهم واتكلموا زي ما هم عايزين متى يبلغ البنيان يوما تمامه اذا كنت تبنيه وغيرك يهدمه امتلأ بهذه الطريقة يا اخواننا لا تصلح مطلقا - 02:17:22

ويعني اعتذر لكم عن حرارة الانفاس والا الموضوع محزن محزن جدا والله واتمنى ان نجد حلًا ومخلاصا من هذه الازمة الكبيرة اقولي هذا واستغفر الله العظيم لي ولكم. وصلى الله وسلم وبارك على نبينا محمد. والحمد لله رب العالمين - 02:17:36